

真西山文集

卷五十一之五十五



西山先生真文忠公文集卷第五十一

疏語

清源洞謝雨疏

冬者四時之畢雖不厭於常賜麥為五穀之先又正  
資於時雨肆越故常之典特伸祈懇之誠仰荷至仁  
端臻嘉應雲陰倏布既收潤澤之功日耀旋開復免  
霖淫之害曲成至此忻幸何窮顧當粟列之期尚乏  
嚴凝之氣雪飛到地固南土之所稀露結為霜在化  
上而甚易敢因祇謝併控愚衷儻陰陽無偏勝之愆  
則民物有安生之樂瀆煩是懼譴罰敢詞



清源洞祈雨疏 戊寅十一月一日

歲以稔聞方惟多稼之喜雨弗時至又深無麥之憂  
蓋當播殖之期正賴沾濡之澤今高田欲種而無水  
以耕下田雖種而無水以溉戚休所係愁歎相聞况  
夫風高氣燥則居者用虞泉竭井枯則汲者告病皆  
民生之甚患豈守土之敢安是用奔走乞靈虔共請  
命寸雲觸石願倏變於陰威三日為霖庶均沾於德  
施

安奉真人誥命

為中應善仙昭靈博濟真人顯膺寵命加

善謹率官僚虔仰奉安者仙聖以濟物為心初豈  
辭於榮寵朝廷惟育功是報顧何間於幽明既大庇  
於今生宜進膺於顯號恭惟真人清虛體道湛寂凝  
神昔游戲人間以卻疾蠲病而自任今翱翔天上猶  
禦哉捍患之不忘曷此邦人夙依道蔭或農或賈咸  
獲堵安曰兩曰賜殆猶響應爰徹九重之聽增崇八  
字之封綸告鼎來輿情咸慶消辰安奉愈增耀於名  
山有衆阜康更永祈於靈貺

清源洞祈雨疏 己卯閏月初一日

麥正刈而欲晴旣荷曲成之造稻方秧而渴雨敢輸

虔禱之誠蓋農事所係非輕而春早最為可畏儻少  
稽於潤澤將立見於焦枯不勝危迫之情願賜生成  
之力霈然其靈活此良苗俾播種之及時庶豐穰之  
可望鞠躬以俟從欲是期

清源洞謝雨疏

東嶽同閏  
月初五日

卯辰之間曰閏適農事之正殷三日以往為霖荷化  
工之邁答臣職叨作牧志極念民屬其靈之少愆懼  
良苗之易槁戴星而出甫伸踏地之恭零雨其濛  
沐隨車之澤連朝昏而相續極高下以均霑但深  
踊之私難報穹窿之施輒憑淨醮其達微忱兩欲

必從之已拜曲成之造自今歲興有矣願斷終惠之

仁

東嶽清源洞祈晴疏

三農之望有秋亶云至切六月而得甘雨顧以為憂  
蓋南邦田事之最先而閏歲天時之尤蚤瞻平時之  
綺錯蔚多稼之雲連父老相誇謂積年之未覩妻帑  
共喜幸一飽之可期儻未息於霑霑將有妨於刈穫  
垂成而毀茲豈造物者之心轉戚而忻特煩彈指頃  
之力願賜兼旬之明霽庶償終歲之勤勞瀝懇輸誠  
鞠躬俟命

寺觀設醮謝晴青詞疏

六月十三日

雨以潤物過乎度則為蓄天維子民哀其窮而必  
疏其霖本以潤物過則為蓄諸佛切於念民窮斯必  
抹比以陰雲之沴粟乎害稼之憂奔走有祈顧瞻如  
響劃重雲而見白日六合清新弭駭浪而為安流百  
川順聽仰至仁之易感戴鴻施以何窮屬當收穫之  
期不厭晴明之久崇壙斯積願克保於歲功擊壤均  
權其敢忘於帝力疏作佛力

寺觀謝晴青詞疏

嘉穀告登既卜有年之慶連陰不已遽為積潦之蓄

不勝朝夕之憂亟扣乾坤之造賴神功之密運俾  
景之遄開波漲平時昔幾壞於垂秋之頃雲屯高廡  
今獲全於將失之餘愁嘆頓舒歡忻相告用是肅陳  
淨供觀云淨醮祇薦微忱曰雨曰暘願益臻於時若  
有稷有黍更期遂於秋成疏云不勝悚迫之情亟扣  
慈悲之造賴威神之密運

祈雨疏

治郡無堪致亢旱悵焚之虐額天有請荷如來矜恤  
之仁起群龍於潛伏之時摧妖魃於熾張之日拜恩  
甚溥思報何從惟水陸之名齋罄幽明而蒙澤衆生

苦惱猶渴望泉諸佛慈悲如雨濯熱願均此施普及  
有情脫煩寃於沈淪幽滯之中遍大地作快樂清涼  
之境併斷終惠迄昇豐年無愆陽無伏陰永協中和  
之氣有遺秉有滯穗曲全鰥寡之生

祈晴疏

百穀仰雨久蒙大造之曲成九月築場茲幸舊功之  
將畢日覬茨梁之積迺惟霑潦之憂言念三農備嘗  
耕耨之苦政須一稔少寬饑餒之虞使垂就而復隳  
在隆慈其安忍輒披誠悃仰冒明威冀其陰翳之過開  
禪陽光之丕煥百里而半九十獲全永路之艱甫田

之取卜千迄遂有年之喜

上元祈禳醮疏

歲方更始仰盛德之主生職在長人懼匹夫之失所  
輒伸丹悃仰瀆蒼旻某猥以迂愚總司牧養幸千里  
粗安於無事而三農共慶於有秋俾吏責之少寬荷  
神休之用極屬上元之錫福為下土以祈恩爰被公  
堂恭陳法醮冀垂皇鑒加憫蒼生斡元化以調雨暘  
敷至和而除疾癘祝融息警各安棟宇之居風伯戢  
威咸適帆檣之便勤奉有禱孚格是期

東嶽祈雨疏文

伏以溫陵在昔僉曰樂郊歷載于茲浸非舊觀蓋生  
齒蕃而可耕之土狹故良農寡而逐末之俗成政使  
有秋尚虞之食况下溼之地甫以滂聞而高邛之田  
今復旱告儻遂失嘉穀收成之望將立見細民指瘠  
之憂蚤夜以思寢食幾廢仰惟靈嶽俯庇群方願推  
造化之仁曲軫生靈之命興油雲於膚寸浹膏澤於  
邇遐嘉與邦人共懋德施

開元寺祈雨疏

伏以嘉穀方華耳霖未浹屬茲蒞事之始尤深艱食  
之虞當及是時蚤為之計是用瀝丹誠而有請冀皇

覺之垂慈憫此邦新罹洪水之蓄而今若復苦驕陽  
之虐大需及時之澤以成登稼之功一飽有期民相  
安於鼓腹百廢具舉吏亦得以究心矢言弗讓願佛  
昭鑒

諸廟疏

某叨縮郡符蒞事伊始周視原野黍稷方華而其靈  
愆期人情狼顧近雖一雨而高邛之地猶有可憂惟  
神廟食此邦同民休戚願霽三日之霖以遂有秋則  
某始得以究心摩撫繼吏與民均沐大賜再拜以請  
神其聽之

張大帝廟疏

某頃在江東凡弭留林患之事一惟明神是賴神亦  
鑑其微誠其應如響竭來此邦適以旱告奔走群祀  
僅獲一雨而高仰之地猶有可憂方將設神之位以  
致懇祈乃有以東湖之祠告者踴躍欣幸而今而後  
得赴懇之所矣敬持辦香俯伏以請惟誠察其歸仰  
之素聞其憂勞之切不降膏澤俾克有年豈惟不肖  
之責藉以少寬民亦永永事神無怠

安奉清水疏

伏以維盛夏嘗言長養八閩其霖與此邦有大因緣

其如清水肆迎法馭來駐梵宮昔泥迹世間不憚曝  
身而救旱今遊神天上豈難騰手以為雲願垂慈閱  
之仁亟降滂沱之澤與情共賜響應是期

安奉諸佛疏

伏以服田力穡誰無望歲之懷閔雨為民尤重承流  
之責既驩神而不舉捨我佛以時依方伸迎奉之恭  
遽沐感通之速興慈雲於瞬息之頃莫測我神霽惠  
澤於枯槁之餘悉霑法施然而滂瀉之恩雖廣旱乾  
之患已深更冀寬慈亟終大賜俾獲有秋之願敢志  
善救之仁



送諸佛歸山疏

伏以慈悲救物我佛願心早嘆為災斯民何罪控忱  
辭而有請勞法馭以來臨一雨密濡四野膏沃幸少  
慰靈霓之望其敢稽龍象之留飛錫浮盃雖去來之  
無迹驅雷叱電尚伏洽之有期

東嶽清源洞寺觀祈晴疏

嘉澤以時實謂豐年之兆良苗方穗又虞積潦之傷  
禾任樞摩交深喜懼切月逾既望正潮汐之重轉  
兩不亟晴將田疇之冒沒輒緘誠款祇扣嶽洞聖靈  
寺觀慈仁昭揭佛鳥端臻開霽荷危河伯毋使沸騰

迄成登稔之功宜荷麗鴻之施

東嶽疏語

親闔奄弃悵懿範之莫追靈輓未歸即私連而暫駐  
慶大邑浩穰之地當亢陽乾燥之時每終夕以深憂  
恐融風之易扇敬德克懇仰瀆聖聰果蒙覆燾之仁  
遂免鬱候之警迨既即安於吉壤亟圖展謝於殊連  
屬以抱痾幾成廢禮惟至明之無外察愚悃之不恭  
寬其適嫚之誅賜以存全之慶

告斗卜地疏語

伏以周極思深莫效劬勞之報送終事重方求宅兆

之安雖博訪於名山猶未諧於吉卜念造化機緘之  
至妙豈凡庸心目之可窺是用瞻斗極以輸誠瀝肺  
肝而控請願垂矜憫願於秘藏山水滌回兼備冲和  
之氣子孫昌熾永為忠孝之家

南嶽正廟疏文

庚未春初  
五澤州

天下之嶽凡五封字各殊南方以衡為宗威神最盛  
矧國家素嚴於尊事豈臣子可怠於欽承顧惟草芥  
之微綴玷瑤壇之重做開幕府方祗畏於簡書遯望  
靈宮未克伸於謁拜謹煇楹吏虔奉辦香仍省賦於  
山林且幾呵於推故取於枕箴日徹聖聰載念三瀆

鎮然爾土田為瘠野無盡力之農享勞相  
厚儲之室舒袖空於科率擾鉏習於鬪爭臣猥  
以凡材驟茲臨長攸然訪問冀利病之獲聞汲汲  
摩若恫瘝之在已顧人力易窮於有限惟神功獨妙  
於難名仰覬深仁俯矜凋俗雨暘叶序俾克層庾之  
藏田里莫居永息鼓枵之警庶民生之各遂亦吏責  
之少寬稽首投誠鞠躬望賜

天慶觀等處祈晴疏文

春而多雨本非厭數之時職在長民當軫深長之慮  
蓋氣數乘除之可畏而陰陽偏勝則為蓄况是良農

日期登麥至於紅女尤急條桑儻積滂之相仍懼全  
功之或失雖有心於憫俗愧無術以召和爰遣屬僚  
控陳忱悃冀慈仁之垂憫俾昏翳之逆開霽景熙暘  
亟改崇朝之觀并滋美澤留為後日之儲庶二氣之  
均調斯百嘉之蕃庶控誠以請從欲是求

仰山靈濟王生辰疏

伏以聖靈挺出本太極之同初世俗相傳乃誕辰之  
有紀雖變化莫窺其妙用然依歸可驗於衆心蓋以  
事親之誠寓諸獻壽之禮幽明雖異爰敬則同其繆  
紹州符靈依神庇循比年之藝則演大法於真乘仰

些共弘慈術垂鑒相五風十雨永銷乾溢之虞三相九  
疑共洽和年之化

天慶觀等處祈雨疏文

十七日祈  
十八日雨

伏以農家占歲常取決於分龍郡守憂民敢先期而  
請雨念此湖湘之凋俗異乎江淝之樂郊縱遇豐年  
猶多愁嘆雖名巨室類乏蓋藏苟惟一穀之弗登立  
見群生之告瘁撫摩是任休戚寔同輟豫控於微衷  
冀曲垂於大造寸雲觸石頓收炎赫之威三日為霖  
不降沾濡之澤迄成一稔用弭百憂

天慶觀等處謝雨疏文

伏以節名龍會實惟望雨之誠職忝虎符亟致額天之請荷共慈之易感俾年豐之隨需雖未臻三日之霖亦少蘇五月之暑其為祈戴實倍故常然壬戌之朝欲雨而遽晴甲午之晝既晴而後雨繇稅政之多有且愚誠之未孚竊自省循敢志祇懼願言大造加惠小民借銷乾溢之虞迄畀豐穰之慶二十四日大雨至次日已午而後止人謂二十五日正分龍也

天慶觀等處祈晴疏文

伏以萬民之所資者食六月之雨嘗著于經方竊幸於應期可憂憂其過度蓋長沙之旱濕自昔所傳儻

連濟之霖深寔民之病烈平疇之綺錯有多稼之雲

連數日以頃正切良農之望垂成而毀必非造物之

心佛口輒控忱辭冒干穹聽冀慈仁之深軫俾陰翳

之遙開霽景熙暘亟改崇朝之觀甘滋美澤留為後

日之儲奔走有祈敬共以埃

天慶觀等處謝晴疏文

伏以分龍甫屆旣崇雨而雨隨鳴鶴弗休復謁晴而晴應繇浩浩至仁之易感豈區區涼德之敢期仰戴殊恩亟伸祇謝惟愛民之誠切故望賜之日長願言七八月之間時霑嘉澤庶俾千萬人之聚共樂豐年

天慶觀等處祈雨疏文

伏以億萬人之生惟食是仰七八月之旱從古所憂  
粵繇邇日以來頗愆時雨之潤雖早稻已臻於收穫  
而晚苗正急於沾濡得之則生若嬰兒之需乳哺闕  
焉以望甚嗚呼之待壹漿敢瀝秉忱仰干聖造寸雲  
觸石冀候變於陰威三日為霖俾均霑於膏澤庶遂  
豐穰之願敢忘履燾之恩

天慶觀等處祈雨疏文

伏以允離異治最忌相干雨暘以時尤虞偏勝自獲  
素商之序浸愆嘉澤之期比雖霖沐之屢沾猶苦滂

沱之未應高原下隰政深涸竭之憂炎日燥風又極  
蘊隆之虐誰謂九秋之半迺如三伏之中某職在牧  
民心勤望歲愧亡善政可召陰陽之和嘿訟多愆殆  
忘寢食之節輒殫忱懇游扣隆慈霈然三日之霖滌  
茲千里之旱苟有衆安生之可望雖以身塞谷而敢  
辭瀝悃投誠鞠躬聽命某無任

迎東明觀音及諸龍秋水齋疏

繆政干和盍正守臣之罰亢陽為沴迺貽農畝之憂  
念拯救之無階亟奉迎而有禱惟慈悲廣大莫如諸  
佛而變化迅速莫如群龍既來會於一堂諒垂憐於

百姓興雲致雨特顧盼之可為飛電奔霆惟指麾之  
所向忍閱神功而弗露坐觀妖魘之肆行今則埏未  
鶴鳴田將龜圻儻數日之間尚遲霑洽則一年之計  
遂墮渺茫願哀斯民亟霑之澤繼揚枝之露瞬息十  
方散天瓢之泉涓滴萬里偃躬以俟從欲是期

### 奉送神佐聖水疏

慈悲廣大莫如諸佛之尊變化飛騰莫若神龍之妙  
比以亢陽之凶孽乎害稼之憂奉瑞像以來臨叩靈  
湫而遍請果蒙矜憫俯賜感通油雲密布於九霄膏  
雨逆周於四境其為計而末易名言三日以往為霖

願立臻於霑足八政之一曰食庶獲遂於豐穰仰冀  
降私敢忘昭報

### 祈晴疏 九月

民之可憫無若良農物之難成莫如嘉穀今歲將六  
熟而雨則過多人皆相顧以隱憂天獨何心而弗林  
繇始耕以至今日不知幾朝夕之功轉積潦而為曠  
空特出一咄嗟之力寺改持出為願賜在化工而甚易幸慈  
憫之亟施寺云庶收成之不瀝悃以祈得請乃已其  
無任激切懇禱之至

### 謝南嶽行宮乞雨慶疏文

荆楚之郊繆塵委寄黔巫之地實在統臨繇郟政之  
靡滅致戎行之弗靖初喧譟於官府繼剽掠於民居  
自郵報之蜚馳姑權宜而撫定載念國家之制凜豈  
容卒伍之亂常期亟正於典刑遂密加於規畫顧人  
謀之難恃惟神理之可憑輒控忱祈南嶽云果象宏  
造佑聖云果形  
兆首正鯨鯢之戮盡空狐鼠之妖軍律頓張物情胥  
快匪惟四境獲全有衆之生抑俾庶邦潛弭未形之  
患粗塞曠瘼之責悉繇履露之恩爰卜良辰敬伸謝  
悃尚祈蔭佑永底奠安臣無任激切感荷之至謹疏

天慶觀等處謝雪疏文

伏以冬者四時之畢實兆來年雪為五穀之精日需  
嘉應方消辰而致禱俄飛霰之效祥茫乎宇宙之間  
恍若瓊瑤之飾仰神功之至妙佩恩施之何窮輒露  
寸丹上瀆穹窿之聽更新三白益昭豐稔之符臣無  
任激切懇禱之至

天慶觀等處祈晴疏文

好雨知時豈其所厭沉陰過度則有可憂蓋惟艱莫  
甚於農功而至重無逾於蠶事釋苗之出既欲煖而  
惡寒柔桑之求又喜乾而畏濕儻二者或乖其所望  
則萬民何恃以為生也穀價之未平而物情之方鬱

後又罹於霖滂宜愈重於歎愁或在撫摩心如焦灼  
竭丹誠佛云秉誠而控懇冀洪造佛云慈造之垂憐麗日冲融  
煥晴光於甲子惠風和暢回淑景於莫春庶開樂歲  
之祥實慰函生之願

謝晴疏文

春無幾何正田家之作苦雨非所厭懼寒氣之過期  
亟奔走以控誠荷慈憐之從欲開麗景於崇朝之頃  
轉疑陰為三月之和新秩之出如針且將頓長大爾  
之成若甕柳又可期矧當甲子之晴實兆豐年之慶  
爾神祇謝併露忱祈言念細民方茲艱食益以豪強

居然睥睨以俟時惟氣令弗愆歲有必登之  
蓋藏畢出人無貴糴之憂仰觀穹昊佛曰真如俯矜  
痼俗曰暘曰雨俾未臻時若之休若富若貧庶咸遂  
安居之願臣無任

祈雨疏文

民之為生莫先於足食雨以潤物尤貴於及時况南  
更芒種之期且將屆分龍之日必梅霖專澤相望彌  
月之間斯穡寶懷新可必豐年之望此農畝推占之  
常驗而守臣傾復之至情爰詣殊連僭干大造自今  
以迄夏至願數霑優渥之仁指日以俟秋成庶少蘇



凋瘵之俗

謝雨疏文

時方仰雨寔豐稔之攸占志切念民豈禱求之敢後  
荷至仁之易感俾嘉應之亟隨始沾濡於芒種之辰  
旋霽靈於會龍之日破鉅室閉藏之吝慰良農頌後  
之勤仰戴天恩俯從人欲用嚴祇謝併控忱祈蓋嘉  
穀之方苗正資澤潤猶嬰兒之得乳迺克生全矧是  
寤昨夕茲艱食共新一稔以解倒垂兩施雲行時賜  
豐腴之澤家給人足永銷愁嘆之聲

祈雨疏文

民既病而後憂孰若軫憂於將至旱為哉而有禱  
如致禱於未然曠言龍會之期方極鶴鳴之喜而逾  
旬而弗繼已望雨之至深蓋方烈日之如焚重以炎  
風之交煽故雖平壤僅存膚寸之滋矧在高原宜如  
卦兆之坵念群生之久瘁賴一稔以少瘳儻登場之  
望少愆則擠壑之虞立見用披丹悃虔扣鴻慈三日  
為霖願崇朝之亟應烝民乃粒庶一飽之可期

南嶽正殿祈雨疏文

亢旱將成竊懷憂於農畝至仁可籲敢歸命於帝庭  
曠是窮昨夕茲艱食斗升之價既方踊而未平倉廩

之儲之所餘之寧幾惟斷一稔以解百憂顧嘉穀之  
方苗乃驕陽之甚熾問雖沾灑寧敵敵炎儻歲事之  
或傷則民生其安仰延瞻靈嶽披瀝丹乘伏願興祝  
融之寸雲敷為六合之蔭亦雷池之勺水大作三日  
之霖使生靈之命獲全則覆幬之恩何極控誠以告  
得請是期

南嶽正殿疏文

歲事是祈方告赫赫炎官之虐聖靈可怙孰如魏  
神嶽之尊比檄付曹恭趨帝闕慮悃誠之未徹復簿  
正之遺行蓋驕陽愈熾於中天而亢旱有加於前日  
其為望賜殆甚林焚惟帝至仁察臣忱請興寸雲以  
敷六合之蔭散勺水而為三日之霖用昭響答之且  
庶解倒垂之急

祈雨疏文

佛力無邊能救大地衆生之苦龍神至妙實司上天  
利澤之權迺騰此邦適罹亢旱念孰拯煥焚之厄爰  
並伸迎奉之恭蓋佛之為佛與天心相為貫通而龍  
之為龍於佛法最為欽重願同垂於矜惻亟共濟於  
焦枯大興慈雲丕降法雨示剎那頃神通之廣大全  
億萬人性命於貼危疾首痛心虔佇慈悲之施剗肝

瀝血敢陳迫切之詞

離明殿奉安疏

煌煌執法之星最尊列曜奕奕明離之殿近在殊庭  
顧久虧繕治之功懼莫稱欽崇之意既庀工而告畢  
爰取日以奉安載念此邦適罹亢旱良苗方茂既憂  
井霍之不時列棟相望復慮融風之易煽敢特卅悃  
虔敬鴻慈願推覆燾之仁潛弭赫炎之氣豐隆專蔭  
大為三日之霖回祿收戢永熄一方之警

太乙殿醮疏文

元陽為沴懼莫保於豐穰群望遍祠迄未霑於潤澤

瞻言淨宇夙奉高真既此邦蒙福之孔多且往歲致  
祈之亟效爰肅陳於清醮用披瀝於丹衷蓋難安者  
田里之情而易動者湖湘之俗連年獲稔猶或歎咨  
一旦告饑將奚拯拯仰冀高明之監俯推覆育之仁  
霈三日之霖盡甦嘉穀全萬民之命永載鴻恩

送諸佛諸神諸龍疏

七月初四日

集神靈而求潤澤庶有感之必通舍清淨而就囂塵  
或又虞於肅滄良辰而敬餞即邃宇以虔祈嗟乾亢  
之已深非滂沱而莫濟興寸雲於衡麓倏遍九天掬  
勺水於洞庭遂挾千里在衆聖斡旋之甚易尤群龍

嗟吸之所能願體上帝好生之仁以拯下民垂死之厄不勝忱扣仰冀矜從其無任

東明疏 同前

旱魃如熒焚嗟損傷之已甚觀音妙智力欲拯濟以奚難顧久駐於公庭乃未均於惠澤竊意即翬塵之他不如還清淨之居施玉甃之寒泉涓滴能蘇於千里灑楊枝之甘露頃臯遂遍於九大願與一念之慈憐速救萬民之苦惱其無任

湘山疏

直上天閭曾見零陵之夢兆能蘇旱歲具存王氏之

願靈蹟之甚彰實湘人之共敬茲仰迎奉履之祈何久駐於公庭乃未均於惠澤竊意即翬塵之厄不如還清淨之居大雄大力大慈悲願軫群黎之苦惱既優既渥既霑足亟蘇千里之歎愁控誠以求得請乃已其無任

南嶽諸慶祈雨疏文

旱魃為虐將貽卒歲之凶昊天曰明爰軫斯民之苦屢錫霏微之潤少寬枯槁之憂仰載恩憐不勝感涕顧乾亢之期已久而涵濡之澤未深時節侵尋事勢迫切儻其霖即沛則蚤稼猶不盡傷若畏景彌驕則

晚苗亦將告瘁此歲功豐歎之決實民命存亡之分  
敢游扣於鴻慈願嘿回於妙造先立秋之氣至俾大  
雨之時行庶俾億萬人之生有以自活若時二千石  
之舉則不敢辭臣某無任

天慶觀等處祈雨三清殿疏文

寶橋將成適苦旱乾之虐璇穹非遠屢殫哀籲之誠  
荷大造之好生拯細民於垂死粵繇癸卯以洎甲辰  
候興觸石之雲旋沛傾盆之雨昔烏龜坼之壤今遂  
沾濡向者狼顧之氓莫不訢喜粟直之騰遽損稻苗  
之瘁頓蘇仰戴隆恩敢稽祇謝顧赫炎之尚熾而滲

漉之未深矧當立秋處暑之間正需時澤願下屏翳  
豐隆之敕亟運神功俾膏液之滂流庶良疇之充足  
迄成一稔用濟群生臣無任

天慶觀諸處祈雨疏文

歲其有矣日需收歛之期雨以潤之迺曠沾濡之澤  
念早稼旣傷於夏旱賴晚苗可冀於秋成庶償南畝  
之勞且補東隅之失忽兼旬而愆亢極中夜以憂思  
爰瀝忱詞仰干大造願軫困窮之苦亟垂專博之恩  
白水盈疇式慰下民之望黃雲被野迄全上熟之功

嶽洞寺觀謝晴疏

大田多稼幸一稔之可期淫雨害苗乃連朝而屢作  
亟輸危懼遽荷深慈回大造於杳冥之中劃重陰於  
呼吸之頃坐免橫流之患益昭善利之仁假守何能  
唯度依於化育真誠有請願迓畀於豐穰寺改大造  
作妙造橫流作洪流善利之仁作慧日之光化育作  
法施豐穰作豐年嶽觀改善利作編覆

保安赦至告白


聖祖殿疏文

聖主御圖南越三十年之久宸衷念治每勤一二日  
之幾積煩聽覽之勞致爽起居之節雖天人信順  
有知鑒於清安而臣等忠孝之心自不勝其迫切

嚴精禱式迓殊休仰斷善應之仁亟臻勿藥之喜皇  
極五福永綿寶歷之期長沙一星益煥璇穹之照

南北井 翠峯疏

伏以蕉峯萬仞之山上摩層漢靈湫一勺之水中  
有神龍靜而淵潛所以存身動而天飛則能濟物合乾  
道變化之妙猶聖人出處之時顧念此邦久罹亢旱  
爰協心而控請願驥首以出游浮雲滄興大雨霽  
三秋萬頃獲為中熟之年百姓群黎共荷更生之造



卷51

中無之乎百故稱祭共商更上之或  
受於心而歸青鳳舞首以出然亦雲霞與大雨雲室  
直變山之妙辭聖人出象之耕師念地時久郵以早  
醉謂情而賦替而心再良燭而天乘限相齊即合草  
大以薰峯萬內之山土學曾美靈燧一曰之水中心  
南此共 翠峯飛

正師承歸寶觀之祺身以一星益與燕喜之照  
飄散軒大長教林山潭善觀之二亟難心藥之喜皇

山先生真文忠公集卷之五十一

祝文

鎮江廟祝文

迺者吾鎮秀民歲以上春良日相帥祇薦于神因飲  
福焉所以答鴻休而迓靈貺也其以持節過蒙獲與  
斯會敢陳菲奠因控悃忱吁自慶元龍飛以來南宮  
建音不聞於鎮人之耳者蓋十四年于今矣豈神無  
意於此邦之士其寥寥而弗嗣也明天子將復下求  
士之詔惟神其大庇茲土俾濯纓天池驟首霄漢者  
繼踵而起豈非神之大賜乎仰翳明靈監此誠禱



廣惠廟祝文

乙亥 建康

嗚呼江東之民困敝最甚者莫如桐汭旱蝗之哉酷烈最甚者又莫如今歲夫以甚困敝之民而遇甚酷烈之哉幾何其不化而為餒鬼流而為餓隸此某之所以朝夕憂危思所以拯救者如其躬之疾癘然而謂卹賑濟允人力之所可為者有司固不敢辭其責至於均調兩賜銷弭哉沴允人力之所不到者非神其肩有濟維王自廟食于茲土允幾百載矣民恃王以為父母有水旱而必祭今嗷嗷之氓有甚於赤子之待乳哺神之仁亦豈忍坐視其將斃度命幙僚救之更千百年其敢忘神之德

中元水府廟祝文

某自春徂冬三至采石而三謁王顧豈有私禱哉以王之威神歛矧震耀能相上帝而澤下民故也今民病劇矣若冬又無雪則無麥春又無雨則無禾哀我人斯將隕溝壑王其忍聞之乎迺者飛霰之祥效于日至矣惟神終此大惠使一臘三白以祛沴氣而兆豐年若乃田事旣興膏澤時至茲尤農人之所歧望者王其哀痾斯民亦世世事王無怠

廣惠廟祝文

廣德相廟

於虜王之神功聖德衣被天下而靈響震發寔肇乎此邦猶日升嵎夷而燭萬國江出昆侖而吞百川也某自行西方遇王之祠未嘗不肅然起敬况於巍巍炳炳衆廟之所祖虜揆日之良

若其區區為民致請者則敬心以禱又儼茲誠儼然可貫白日

廟祝文

世以仲春日為王始生四方士女大會于祠下是無蓋不可致美然於此乃見人心歸戴之切焉

大民視王為父母而謂王不以子視斯民者愚不信也今江東之民艱食方甚亡異於赤子之失乳惟王以父母之心哀之救之以全其生而塞其望幸甚

范忠宣公祝文

維嘉定九年歲次丙午二月甲申朔初四日丁亥故丞相忠宣范公祠堂成具位真某謹率僚屬以羊一豕一告祠于公曰嗚呼治平之元公自畿縣來漕江東曾未數月入為御史故其行事不少概見獨其所賦籌思堂之詩刻石猶在誠通造化念其群生有德之言隨寓發見茲非為政者所當矜式乎是用闢

堂之東楹敬祀遺像以寓高山仰止之意若夫立朝之大節行已之大方誓以沒齒惟公是則明靈不泯實監此心

廟祝文

之為郡介乎浙右而隸乎江東然厥甚瘠則憂其乎江浙之風以下下上之賦雖粒米狼戾且糞其田而

不足况於逢歲之艱凶既前驅以旱魃之虐燄兮又後繼以妖蝗之銛鋒環千里皆赤地兮况望其櫛比崇墉赤子嗷嗷而誰愬兮分捐瘠於溝中嗟人力

其奚施兮賴神明之哀憫雪霏霏其三白兮又零之濛濛既優渥而霑足兮獲及時而趨工顧某之何知兮屢干瀆乎靈聰蓋隨扣而隨應牙嚙吟之鴻鍾豈某之愚足以動神聽兮蓋神之愛人故煩鑒乎微衷瞻薿薿之被野森雲濤之翻空苟蕪甸之明霽即坐收其全功神既加惠於其初兮顧豈惜委呪於其終冀燥濕之孔時俾黍禾之偕豐易枯槁而昉潤轉愁慘而春融某將大書特書以紀神之休應兮期焜燿於無窮

諸廟穰蝗祝文

在詩有之去其螟螣及其蠹賊毋害我田釋夫此人  
事也乃以屬諸田祖之神何哉蓋禦蠶禬患在神為  
之則易而在人為之則難日者本道郡邑以蠹生聞  
天子有詔俾長吏禱于山川百神之祠是亦周先王  
意也惟王廟食歲久陰威赫然霆奔風馳山嶽可撼  
况區區虫蝗之孽乎驅之攘之以升炎火是直噫欠  
間耳而共致祈立僕愚

唐憲廟祝文

某聞者伏謁祠下敬以三事有祈于王威靈赫然隨  
答如響綸音誕頒錫以康粟為萬石

之民賴以無饑又聞歲除至於人日嘉雪頻仍  
蒙潤非王之慈仁密賜覆露其何以底茲某與  
二邑十有四鄉之人同深林蹈惟是溪湖之流尚梗  
舟楫之運猶難一雨霈然使千艘浮動此尤朝夕之  
所企望者惟王其終惠之

奉安范忠宣公祠堂祝文

故丞相忠宣高平范公迺者仲春即壽恩堂東楹以  
妥公像雖有以見區區尊賢尚德之心然其規撫簡  
陋氣象卑狹每歎然為之不滿也夏田告登振瘵訖  
事既新貢宇遂建斯堂撰日之良載嚴登奉冠劍山

立德容穆然熙寧五朝之英風元祐當軸之盛烈凜  
乎其目也九泉可作吾誰與歸秋菊寒泉薦此芳  
潔茲誠炯炯公其鑒之

辭夫子廟建亭

昔者先聖之門果如由藝如求然後許以從政某也  
器九而學陋曾未及二子之彷彿而叨恩出使遽寄  
以一道生靈休戚之命宜其不足以稱塞也然節用  
愛人之訓拳拳服膺者未始一日而不敬奉詔守泉  
遂將去此誓當益尊所聞而行所知以終無負聖門  
之律令尚饗

明道祠堂

明道先生其年未弱冠已知誦夫子之遺書雖一命  
之士當存心於愛物况於乘使者之車然學力未克  
其愧於民者多矣叨恩假守誓當服膺訓言益求所  
以用力者庶幾有以贖今日之過乎尚饗

東南嶽廟等處

某書生為吏無以瘡人惟有不欺皎如星日願神之  
賜訖遂終更詰朝有行不敢不告尚饗

范忠宣公

故丞相忠宣高平范公迺者建公之祠於治舍瞻仰

而取則焉今雖去此然積有遺書殆亡異  
奉香火於左右也以責人

之心責已恕已之心恕人誓畢此身毋忘明訓尚饗

### 劉忠肅公

嗚呼公生於建水而沒於金陵光明秀傑之氣當已  
融而為香嶽燦而為列星至於論議之崇訟事業之  
雋偉播在簡冊者又將垂千載之儀刑其以鄉閭晚  
雖不及執經於堂下然讀公之書友公之子猶仿  
平生胡未江左屬歲饑饉鮑背黃髮之叟誦乙  
雷之績徃徃歎歎而涕零其之視公無能為後

獨於遺訓之炳然者每拳拳而服膺其於惠孤恤鰥  
之政既嘗竊取其一二復刊梓以布之海內庶幾傳  
此方挾此藥者皆足以起沈痾而蘇醒被命守泉謹  
拜謁祠下而去繼自今強學力行益當思所以自厲  
者上以無忘於師訓下以不辱於鄉評尚饗

### 鎮安廟祝文

某不  
恩列位于朝者凡八年莫遂於禁林史莫  
重於稽古禮文之事而某也獲有所復玷  
使指可謂幸矣非神之

靈潛

佑其何以逮茲懷綬過家敬謁祠下惟神

推所以福某者而均福於一方俾珪組蟬聯嗣是愈  
盛豈非衆心之大願乎不腆酒殽具將誠意

辭廣惠廟祝文

某將指二年無補於民乃若民瘼以告而適應親疾  
以想而旋愈則皆有賴乎神神之有大造於某也蓋  
與覆燾而惟均被命守泉敬謁祠下而去若夫繕營  
之需則已付諸幕屬豈足仰報於靈休姑以少酬其  
夙心云爾

梨山廟祝文

惟神以唐名賢膺宋祀典封爵之崇極于二等威德  
之盛被于一方富沙之民飲食必祭蓋無異子之於  
父母也某承詔守泉道出鄉郡謹當躬謁祠下而迫  
於午後遂不克前敬馳辨香茶布誠悃維今此行屬  
當大夏高堂有母華髮岷然走陸浮川衝暑履濕人  
子之心不無憂虞伏惟聖靈密賜擁佑俾起居飲食  
無異平時壽祿康寧益受多祉是神有大造於某也  
期以代還躬伸報謝茲誠炯炯王其鑑之

梨山廟

某復有微悃于冒聖威仰惟靈佑善應廣濟昭惠王  
在唐之季來守建安實有惠政故自騎雲帝鄉之後

邦人懷之廟于梨山以祀以享著于唐史事迹可稽  
此學古之士所共知也惟是詩篇遺文藏在三館學  
者無自而見焉某願以私錢刊于廟中庶永其傳且  
俾奉祠祝者豐之以為燭火之助惟神其幸聽之

### 梅山廟

五顯王惟神封爵之榮極于二等威德之盛被于四  
方曉是仙山有嚴廟食邦人欽戴奉祀尤虔某承詔

守泉以下並同梨山

又狀

某後有微悃干冒聖威某昨在奉常獲見徽饒二州

所加封五顯王本未嘗謂神祇曰蕭伯仲五人今

考一達安誌神之姓氏伯仲皆與徽饒廟同已封至

字王梅仙之祠乃尚仍五通

竊所未安某與郡人同請于漕臺綸告

與婺源德興二廟封爵一體顯聖靈聿

新觀聽惟神其幸聽之

### 謁先聖廟文

泉文

某不佞幼讀先聖之書至於道千兼國敬事而信節

用而愛人使民以時未嘗不喟然三嘆以為苟得千

里之地而為之則為斯言也真藥石之良規槃杆之



至誠也今天子不以為愚且陋權守南土茲非推行  
所學之日乎夫一事之不謹不可以言敬一令之非  
誠不可以言信錙銖濫費不得為節用毫髮橫取不  
得為愛人一後之妄興則非時使之義顧須不敏敢  
違初心惟不得罪於此邦之民然後為無負先聖之  
訓神靈如在尚監此心

社稷

某叨被恩除假守茲土載惟社稷民命所依祗若故  
常按行封殖用嚴國典式對神休謹告

諸廟

惟上帝以好生為心肆命諸神以真方域聖天子以  
憂民為心故環千里付之守焉幽明雖殊其所以為  
民則一而已某猥以非材承乏茲土九其職之所當  
為與力之所可任者不敢不盡其方若夫均調兩暘  
銷弭蓄害則非神乎孰賴尚惟陰相以康斯人豈惟  
民荷寵靈某亦與受無窮之賜

東嶽

五方有嶽祭秩畧同而岱宗之祠獨周徧于天下者  
以其居平秩之方而主生育之事故也某猥以非材  
來守茲壤允可以致力於民不敢不盡其方

下同

趙忠簡

惟公以忠正德文為中興名相第一某高山仰止于茲有年被命此來獲踵公武於八十年之後緬懷遺烈凜然若存何以薦誠惟此卮酒

韓中令

惟公以景德丁未來守此邦盛德格天寔生人傑是宜父子並祠至今載瞻儀刑敢不起敬

王詹事

我走泉山為一都會牧守相望多時名臣惟梅溪公

所以脩治人者一出於

愈久不替某自少小即嘗誦公

詩仰止高山于茲有日敢圖僥倖

四十七年之間方將朝夕勉焉以

茲誠炯炯公其鑒之

蔡端明

惟公以忠言惠政著于中外至和之世實自畿甸來守此邦以便親輿之奉流風善政人到于今稱之某之視公無能為役然間者九重假寵之意明著訓詞實用仁祖命公故事顧惟不佞將何以堪之惟當仰止高風以庶幾其萬一英靈如在尚聞斯言

類尚書 徐都承 程尚書祝文

惟公以法從名臣嘗鎮茲土實有遺愛在其邦人尸而祝之迨今未泯某祗事云始謁見惟勤載瞻儀刑肅然起敬

姜相公祝文 泉州南安縣

嗚呼公以鯁亮之資盡言於猜忌之王一斥不復沒于遐陬然清風直節千載而下猶凜凜有生氣彼脂膏饜美麗竊一時而遺臭無極者未知孰為得失也茲因祠事膺教幽宮酌以一卮喟然三嘆

開溝告諸廟祝文

地之有溝渠猶身之有血脉也血脉宣暢則體安而氣和一或底滯則疾疢生矣某被命來此考按圖志則知郡縣之溝堙闕歲久蓋自林侯祈之後未有再議開濬者淤沉惡水停蓄弗流春秋之交蒸為癘疫州人病之匪一日矣顧念庸拙蒞事方新懼於煩民未敢輕議而寓公同僚交相勸勉謂將興悠久之利不可憚信宿之勞博參輿言亦以為便乃消良日命庀工徒維城與隍神職是主威靈赫然尚克顯相使畚鍤之下如掃浮埃後者不勞而功以克就此州人之幸也某之願也

到任謁韓魏王祝文

我宋盛時莫如嘉祐伊誰輔相曰韓與魯惟宣靖公固為衆人若忠獻王則又生于衆者也山川之靈鍾此人傑顧不備與鄰圃有祠寔惟育德厚賢之地高冠大劍儼如生存某祗後云初敬神歎謁若夫法公之所以治相治魏者而治衆顧雖無庸其敢不勉英靈未泯實聞斯言

開湖祝文

郡東有湖其來尚矣在慶元十守臣劉公穎實命開濬平疇萬畝灌溉所資其利一也以固風氣以壯

勢其利二也廣仁聖好生之德寓臣子報上救其利三也而二十年間有司因循浸不嘗省枯涸浸甚其甚懼焉捐庫緡以募工當農隙而舉事庶幾民蒙其利而不知勞仰繫明靈尚克陰相功以亟就則報其敢也

修城告諸廟

郡之有城以藩衛也比歲守臣嘗一新之矣曾未數載復以圯聞某自玷州符即屬意乎此而重用民力不敢輕輒舉以至于今茲因農隙稍加繕治力所未及者則以埃後之人仰繫明靈尚克顯相俾即數旬

之近而成百姓之功其之願也邦人之幸也

土神祝文

守臣之職實曰捍城城圯不修咎將誰任三農之隙以漸繕完惟神其相之幸甚謹告

春祈祭諸祠

謹以清酌脯脩之奠祭于云云古者春秋祈報之禮惟施於社稷載及良耜之詩是也今併及於廟貌之神蓋以水旱蟲螟之禱於是乎在有不可得而廢者若夫先賢之祠特以寓邦人去思之意而非為祈禳設也考諸舊儀有未安者不量其愚輒用釐正自今

以始釋奠于先聖之明日則遣官以祠而繫祈報之禮庶幾於義為得惟神其幸鑒之

諸廟

春之有祈故事也而其勤勤為民之心則不敢以故事視也前者祭饌之菲既改而用牲矣此復申戒儆司益虔厥事允所以盡內心之誠而冀神之或饗也然豈有他求哉雨暘以時疫癘不作使民有為生之樂而無戚嗟愁恨之聲吏之所望於神者惟此而已洋洋如在實聞斯言仰翳明靈賜以饗答

慈濟廟

維古之制捍患禦災有功於民始在祀典神之生也  
以和扁之技妙起死之功颯遊既升靈嚮益著此邦  
之民不幸有疾求救於神者如子之懇其親神亦隨  
其所苦救而療之如親之愛其子嗚呼其可謂捍患  
禦災有功於民者已矣歲時常祀乃未及與非關典  
數載於此邦家通南土  
疫癘易生春夏之  
吏多以病告斷以今始著為定例一歲兩祠于神御  
惟其靈監此誠惻悃俾民無疾痛之苦則吏亦免休逸  
之憂得千萬年承事無斁

慈濟廟祝文

四月二日

某以疎庸繆膺郡寄抵民之疾猶已隱憂今春以來  
二氣均調札嗟不作繁神之庇朝夕不敢忘乃者閭  
巷郊野之間漫有以病告者與其既甚然後有祈于  
神豈若及其尚微亟控斯禱惟神哀恫庶俗亦願有  
以拯之於其初旃幾民之獲全者多而神之用力也  
易吏既獲免其責而民亦事神益欽豈不美哉

為民患痢告慈濟廟文

傳曰父母惟其疾之憂言親之於子惟恐其有疾也  
郡之有守所以父母斯民也民有疾而守不加恤可  
乎今閭巷之間以痢下為苦者衆守能閱之而不能

救之既有愧於民矣神能救之而守不以告其罪當  
何如哉肆命元愍致祈于神神其救之使病者有瘳  
而未病者獲免豈惟 亦將謂神之德於無窮

東山南北岸兩渡祝文

間者以渡舟之多溺也深惟長利欲聯百艘而橋之  
蓋嘗以諭于神矣而議者不以為便夫見其可而圖  
之與慮其不可而遂止九皆為民而已然新路改築  
舍迂而近其鉅舟更創去危即安亦不可謂非悠久  
之利也惟神嘿有以相之俾無風波衝盪之虞無魚  
龍噬齧之患行者濟者各適其所安民亦永永戴神

之賜

北山清涼洞祈雨祝文

嘉澤久曠麤蕪將萎共惟守土之臣寔掌劬農之政  
雖冬而禱雨蓋徃昔之未聞然志切念民豈故常之  
可徇用殫忱悃仰扣真祠山改名山願及斯時亟降蘇枯  
之澤庶幾嗣歲免貽艱食之憂

北山謝雨祝文

間以早暵有禱于神雲興雨濡旋荷嘉應芄芃之苗  
將槁復茂神之為賜大矣然自今至于秋成無非望  
雨之日惟神終此大賜使膏澤時至卒歲豐年寶邦

人之慶也亦守土者之幸也

諸廟謝雨祝文

比以其澤久曠懇禱未孚夙夜以思不勝震懼維神  
血食此方與守土之吏同任其責令茲一雨沛然萬  
物吐氣不惟為吏者得以少寬其憂而神亦為不失  
職矣然而焦枯雖解滂澆未深若能大赫厥靈使滂  
沱之澤飽足民望則拜神之賜有加無已祇答嘉贖  
私報之

忠孝祠堂奉安祝文

其佐真其謹率僚屬以清酌之奠昭告于旌表義闕

林司空忠勇蘇公某不佞奉天子之命來館虎符  
視事之初考按圖志則知此邦前哲有如林公之純  
孝至行蘇公之精忠大節光明卓絕標準百世既祠  
于郡學使為士者知所勸又祠于通衢使凡居是邦  
與往來之人皆有所瞻仰嗚呼世降俗末為人子而  
不塋其親與葬而不以禮者有矣視林公之躬自陶  
甕負土成墳者何如哉為人臣而欺其君與臨小利  
害而選悞畏避者有矣視蘇公之舍生取義以死償  
節者何如哉祠像告新敬伸款謁清風如在嘆仰不  
忘



諸廟祈雨祝文

聖經所載惟麥與禾

今禾既登

塲所至告稔拜神之賜渥

矣乃季秋以來雨不時至高田之麥欲種而無水以耕下田之麥已種而無水以溉此農人之所甚憂况夫風高氣燥則居者用虞泉枯井竭則汲者告病惟神幸哀斯民而賜之嘉澤使憂者以愉虞者以安病者以息是一舉手而三患弭也神其可無意乎

諸廟謝雨祝文

迺季秋以來雨弗時至嘗以三患有謁于神荷神之靈賜以響答將萎之麥翦然勃興既涸之泉坳然充

溢而燥炎之氣又化為潤澤真所謂一舉手而三患弭也不腆卮酒持酌于神維以薦誠匪敢言報

張大帝廟祝文

某曩在江東適罹歲旱凡所禱請惟神是依今在泉南復值冬旱躬走祠下為民致祈信宿之間甘澤隨注將萎之麥翦然勃興既涸之泉坳然充溢其拜賜也渥矣不腆卮酒持酌于神維以薦誠匪敢言報

張大帝 通遠廟祝文

古者春秋祈報非大神不與盖農重事必其威灵震赫足以闔闢陰陽招呼雷雨者然後可望以豐稔之

施惟帝王功參造化澤被生靈為日久矣屬此中春  
慶修時祀惟王鑒其念民之切而再賜以上熟豈獨  
為吏者知德於王民亦永永事王無怠

諸廟謝晴疏文

比者洪濤山涌之日雨復甚至其勢蓋廩廩也使開  
霽少遲則平疇萬頃皆將卷為巨浸矣幸神靈加惠  
茲土使雨隨止而川不溢芄芄之苗賴以獲全厥施  
豈淺淺哉不腆樽酒予以告慶尚惟相之迄俾有歲

辭先聖祝文

晉者祇謁云初嘗以服膺洙泗之訓自列於先聖之

前雖在官三年恪守惟謹然其可愧亦多矣蓋學有  
所未克則政有所未善固其宜也易鎮江西責任彌  
重將何以稱塞惟當益尊所聞庶幾萬一之進於皇  
元聖尚迪其衷

諸祠

假守是邦于今三載材疎政拙有愧前脩獨惟此心  
庶幾昭合叨恩易鎮敢不告行

忠孝祠

祠二公以範風俗自某焉始叨恩易鎮遂將去此唯  
當監勵忠孝之節以無忝於二公皎然此心尚新昭

鑒

遊仙山頂祈雨祝文

昔者真人之始封也。綸告誕揚。固有愛利及物之褒矣。今境內之旱前所未睹。風日炎熘。良苗將萎。此正真人推行愛利之時也。夫雨暘之數。雖出於天然。上穹至仁。易以感格。山川百神。儻能為民致請。未有不能回造物之意者。况真人列名仙籍。謙職紫清。又非山川百神之比。何惜不為一方赤子。致其更生之請乎。今旱勢極矣。民命危矣。於此時而不亟亟救之後。將無復可望者矣。敢以誠告。尚其念之。

周真人祝文

謹以素饌昭告于

勅封冲應真人靖惠夫人曰有

崇斯山作鎮南浦真仙宅焉。多歷年所。庶吾一邦厥施。甚晉寶軸。綸書光賁。琳宇實帝令之。俾職茲土。維時常祀曠典。是悞。峩峩儒纓。相帥作古。有飶斯馨。有清斯醑。俶聞其端。日歲壬午。維仙之飲玉液。沐露維仙之饗豹胎麟脯。豈伊區區可薦尊俎。物雖甚微。誠意攸寓。瞻是賓興。敷詔萬寓。得拔其尤。貢于天府。允茲士類。志在軒翥。維吾真仙。各傳以羽。如鵬之運。如鷓之舉。如蛟龍得被風雨。逢辰效竒。立功至主。豈

人是能維仙默助若甄之陶若冶之鑄洋洋文風視  
被鄒魯英英人才媿昔伊呂于鄉有光于國有補茲  
願甚宏滌仙疇予尚維至赦仁此覩縷

北山祈雨祝文

維年月日具位謹以清酌之奠昭告于北山之神傳  
稱名山大川能興雲出雨者始在祀典溫陵為郡以  
泉得名有崇北山實州之鎮神仙所宅霧雨所藏一  
方仰庇惟日久長今歷節不雨多稼將枯群情嗷嗷  
若傾川谷願以靈源一勺之水散為闔群三日之霖  
長稿苗復興民命獲濟此神之職也亦邦人之謹也

社神

維社有神寔主我民曰社與民厥重惟鈞歲旱民饑  
亦神之疚願於未然畢力以救

句龍氏

於我惟神于祀配食有功于民故莫能易雨不以時  
民且告瘁神其拯之及掌之易

稷神

維稷有神所主惟穀雨暘以時嘉穀乃熟芄芄者苗  
賴雨以濟尚哀斯民俾克有歲

后稷氏

惟神之生百穀是殖更千百年祀以為稷今穀方茂而雨不時哀而救之匪神孰尸

### 風師

在易有之兩潤風散其於生物功則一貫雲氣疑合兩乃滂注所求於神願霽斯怒

### 雨師

灑海之邦土瘠易稿潤澤不時則以旱告一雨通宵已拜神賜願更滂沱俾卒有歲

### 雷神

鼓動萬物惟雷之功有神司之隱隱隆隆惟霆之轟兩乃大至敬共有祈日夜以冀

### 北山祝文

古者諸侯有國凡境內之山川必有祀焉後世祠廟既興而山川之祀遂廢徒知像設儼然而謂神明在是而不思興雲雨以澤百物者寔山川之功顧寢而不祀可乎其蒞事云初適以旱告徧走群望而北山獨先焉豈非以其巍哉尊雄上與天接雲氣所自出故歟頃者一雨通宵已拜神賜矣邇日以來旱氣彌烈神能賜之而不能終之殆非其之所以奔走乞靈之意也敬持瓣香載控忱悃興膚寸之雲以雨四境使人知山川之功不在祠廟下豈不依哉

### 清源洞祝文

乃者中夏以來農訟告旱比雖得雨而潤澤未周  
將復就槁群情整然如墜鬻炭仰惟至人起出  
世表與造物游召呼神龍噓吸雷電惟無意斯民則  
已倘誠有意則為一方赤子以請命于天與膚寸之  
雲以膏潤四境直及掌間耳惟仁慈其終念之

東嶽諸廟

某自玷守符居慚喜最惟三載極憂民之念而一毫  
無營已之私質諸明神庶幾無媿叨恩易鎮敢不告  
行奉親在涂尚靳陰相

辭清源祝文

某假守三年茂焉聲績惟於斯民念軫晨夕十日不  
雨以旱為憂五日之雨又虞橫流區區此心實貫天  
日銷變召和則媿無術有崇北山真仙宅焉駕風鞭  
霆妙用無邊某以誠求仙以誠答有如鼓鍾應手鏗  
鎔百穀穰穰群昨熙熙維仙之功豈人之為既列于  
朝加以顯號又鉞于梓悠遠是今雖去矣忍忘泉  
人願言蔭佑終古常新山名澗泉薦此芳潔神交竊  
真耨嘗別謹告

仙遊山頂祈雨祝文

辛巳五月  
時憂居

竊聞之天以雨暘之柄付之山川百靈猶人君以刑

政之事付之牧伯守宰也民有戚嗟愁歎之未伸牧  
伯守宰不得而專者當心以請于朝廷然後民瘼  
可蠲歲有旱乾水溢之不時山川百靈不得而專者  
當同心以請于上穹然後災變可息蓋推行天地之  
仁者山川百靈之職也推行朝廷之仁者牧伯守宰  
之任也顧焉有幽明之間哉夫雨暘之數雖出於天  
然上穹至仁易以誠格今境內之旱可謂酷矣回造  
物之意而救生靈之災正此斯民有望於山川百靈  
之物也伏惟慈仁母以定數不移護諸天而以為民  
請命者任諸已使其澤蚤沛而嘉穀獲全神既有辭

于民民亦永永事神無斁謹告

鰲峰靈澤殿祈雨祝文

勅封靈澤夫人大仙惟大仙之靈肇於百丈一方之  
人所共瞻仰于茲有年矣間者靈澤之封實定于某  
之手夫豈誦大仙者哉有是實故有是名大仙之所  
不辭亦某之所不得私也迺者聞諸道涂大仙復將  
震耀威靈於鰲峰之上其事甚異其詞甚夸人皆信  
之某獨疑之何哉蓋澹然無作而雨暘蓄疾之求各  
以其類應此正直之神所為也以禍福動愚民而要  
其不正之享此淫昏之鬼所為也孰謂大仙之正直

而肯要人以奉已乎此某之不得不疑也及抵西山  
及有以其親覲告者真若可信而無疑矣某之愚猶  
恐其出於依托也蓋大仙之所以信服於邦人者亡  
它惟仁而已今不恤其民之有亡必欲其差次出錢  
以廣宮室豈大仙之心乎若某不審其事之真偽而  
竭蹶聽命焉非惟見嗤於士論且將獲辜於大仙矣  
是以未敢即任勸率之責而願有謁焉厥今高下之  
田方以早告天仙誠能大庇斯民而亟賜以雨使穀  
之將收者無稅而不實之患而欲槁之苗蓊然以興  
環數鄉之民將奔走稱謝之不暇某於是時慨然

任勸率之責亦為有辭矣敢布腹心惟大仙實圖之  
南嶽行宮

某之為學也以不欺為本雖未能至而竊有意焉屋  
漏之隱如對神明不敢忽也况今作屏乎茲巍巍靈  
嶽雄峙天表顧盼在目雖欲自欺得乎惟庶惟仁惟  
公惟勤朝夕競競於無愧尚惟降鑒迄用成

社稷

維社稷有神民命所司蒞事之始職當按視鞠躬拜  
謁不敢不虔農事將興尚期陰相雨暘以叙俾克有  
秋



城隍

城隍之有神猶郡國之有守幽明雖殊其職於民則一而已其叨蒙上恩來鎮此土深惟責任之重允躬行之當勉與民瘼之當紆朝夕兢兢不敢自忽至於蠲除菑沴丕降福祥則神之職也尚惟加意俾寧厥居民亦永永事神無忘

西山先生真文忠公文集五十一卷

終

西山先生真文忠公文集卷第五十三

祝文

澶州謁先聖

癸未正月

昔某之治泉也惟節用愛人之訓是服是行其去之日不獲臯於泉人賴此而已今者叨蒙上恩作屏南楚委寄之重又非泉比將何以免責哉惟於所謂節用愛人者益勉其所未至焉某始祇謁于庭烟烏丹誠尚冀昭鑒

先賢祠

濂溪先生周元公明道先生程純公伊川先生程正

公武夷先生胡文定公五峯先生胡公南軒先生張  
宣公晦庵先生朱文公聖學不明千有餘載數先生  
相繼而出遂續孔孟不傳之統可謂盛矣惟時湖湘  
淵源最正蓋濂溪之生實在春陵而文定父子又以  
所聞於伊洛者設教於衡嶽之下張朱二先生接迹  
于此講明論著斯道益以光大然則天之生數公也  
所以幸天下與來世而湖湘之幸抑又多焉類宮有  
祠其來尚矣某雖不敏然於數先生之學蓋嘗用其  
力者而庸鷲之質欲進未能叨恩假守用敬謁于祠  
下緬懷遺風當益自勵冀於斯道或有聞焉施之有

政庶乎寡過惟先生其相之幸甚

### 漢高帝

漢太祖高皇帝太宗文皇帝惟漢之興繇祀四百深  
仁厚澤肇於高祖而成於太宗威神在天實相下土  
若時楚服廟貌在焉惟二帝之心今之嘉惠湘民者  
亦無異於昔之愛漢赤子也某叨恩假守敢不告虔  
尚惟嘿佑俾克用乂

### 漢長沙文王 長沙定王 長沙陶公

傳曰君子賢其賢而親其親小人樂其樂而利其利  
是以沒世不忘也夫為政而使民沒世不忘斯亦難

矣王之受命國于茲土蓋千有餘祀而民奉嘗之如  
一日也嗚呼此豈可以智力求哉某叨恩假守敢不  
告虔尚惟嘿佑俾克用乂

三閭大夫忠潔侯屈公

某之後先生也蓋千有餘祀而於離騷九章一讀一  
興嘆焉甚哉先生之忠於國也世降俗末媚佞成風  
過其祠者可以泚厥頽矣某雖無似願師其人於千  
載之上視事之始敢不告虔履潔含忠益當自勉

賈太傅

某之後先生也蓋千有餘載而於太息流涕之書一

請與歎甚哉先生之忠於國也下同

端潔公

謹端潔公昔新莽氏欺天誣衆盜有神詈時則龔大  
夫凜然抗節不食而死著在青史至今猶有生氣精  
康之難古昔所無而在廷之臣甘心屈膝於偽楚之  
庭者不可勝數惟公秉志之死靡渝橫流滔天中屹  
砥柱易名曰潔與藿同稱其叨領守符偶在公里顧  
瞻類水祠像在焉清風襲人千古不泯酌以卮酒慨  
其未懷

忠節十位

昔者王厚之難晉氏危若綴旒惟時賢王實刺此州  
慨然倡義志殲兇逆群英協輔共圖厥勛事雖蹉跎  
而一時臣子知有逆順之理卒以城賊其功豈不偉  
哉爰暨本朝間關南渡蠢茲孽虜蹂我湖湘卓哉四  
君寧死無辱明綸誕布錫以嘉名與晉諸賢實同廟  
祀激勸之指厥惟深哉其竭來幾藩獲瞻祠像酌以  
卮酒慨其未懷

春祭諸廟祝文

春之有節豈惟故事民之望歲蓋出至情矧以非材  
甫茲假守慨念長沙之故國也非樂土之舊風將斬

庶俗之均安豈宜一穀之不稔肆陳菲饌用敬靈聰  
曰雨曰暘願協四時之叙多黍多稌迄臻百室之盈

祭太守禮部朱公山長監簿周君安撫忠肅劉

公岳麓  
書院

五閩捨棟六經掃地人文尚闕學校闕如美哉朱公  
朱守茲土以經術導民而書院之教以興賢哉周君  
繼長是山以德行見褒而書院之名以著中更祀廢  
亦既有年維忠肅公丕振廢緒自堂而序翰與一新  
教養之際於焉大備三君子相去二百餘年而尊經  
勸學之心前後如一祠像並設豈不宜哉某以非材

謬塵分閫顧惟源德何以長民教化所先敢不  
加意肅容祇謁如拜下風勉紹前規庶幾弗墜謹告

祭胡給事墓

故武夷先生文定胡公之墓自熙寧以還新學孔  
熾春秋一王之法闡而弗章公聞道伊洛慨然以尊  
君討賊自任著為訓傳大義炳然使洙泗之道復明  
而荆舒之禍以熄其有功世教可謂盛矣其自少讀  
公書考觀行事高山景行仰慕何窮九原不作竊用  
興嘆茲叨上命來鎮三湘惟公生於武夷而老於  
衡嶽既鄉閭之先哲又道德之宗師有墳其丘實

焉里屬詢印敲講拜無從爰遣祠官敬陳菲薦仍禁  
止其樵牧且訪問其後人興起士風庶其在是英靈  
未泯尚鑒此心尚饗

祭胡侍郎

昭告于故致堂先生侍郎胡公之墓惟公早侍家庭  
實聞至道壯登侍從屢進昌言正章蔡弄權之誅斥  
汪黃誤國之辜英風勁氣獨立不回旋觸權臣遠攢  
嶺海方且心潛魯語之大訓臆誦溫公之遺編著為  
二書垂耀千古某以晚出幸同鄉邦顧瞻丘茔適在  
郡境徃致一酌慰其子孫歿而不忘鑒此誠意尚饗

祠部

故祠部郎中胡公之墓公以賢哲之嗣得家庭之傳  
著通旨一書亦既有功於聖筆對權臣數語尤足深  
拆其姦心興言高風仰止惟舊往陳一奠用表寸誠  
尚饗

五峯

故五峯先生胡公之墓昔者洙泗之門高第甚衆獨  
曾子傳之子思而子思傳之孟子爲得其真自餘源  
遠末分散爲異端其亦多矣其嘗竊謂子思之功在  
聖門爲最盛蓋上能大其師學而下能投之英賢卒

昌斯文孰與之匹維兩程氏講道河南曰謝與楊得  
其要旨文定早歲俱從之游既誠其身復以教子公  
之生也氣稟特殊玩心神明不舍晝夜優游自得抱  
道以終爰昇其徒曰子張子斯文有託誰之力爲仰  
視子思庶幾無媿某以晚學緬懷遺風敬遣官僚往  
致一奠尚惟嘿相於道有聞尚饗

祈晴諸廟祝文

東作方興惟雨是仰此豈禱晴之時也哉蓋氣數乘  
除最爲可畏羸於今則或縮於後此守臣之所甚懼  
也今溝瀆川源在在充溢譬之飲食屬饜而已一或

過度則反為蓄此又守臣之所甚憂也况積滂則麥  
為之傷食濕則蠶為之病休戚所關皆非細事是用  
肅心潔慮禱于有神埽除陰霾丕煥霽景在神直易  
爾以神之所易解吏之所憂惟慈仁其亟念之幸甚  
謹告

### 嶽麓湘江祝文

祭法有之山川丘陵能出雲為風雨曰神又曰非此  
族也不在祀典嶽麓湘江之為山川可謂能出雲為  
風雨者矣而春秋之祀顧弗之及非曠典與屬茲霖  
勞惕然興懷方念即爽塏之地以望而祈焉熙暢遽

并天宇清霽矣是用易祈為謝且繼今以始與祈報  
禮焉郡計少紓又當立之壇壝未為嚴事之地神  
其大庇茲土錫之有年得人知山川之功章灼不可  
誣如此豈不休哉謹告

### 社稷祝文

凡禱祈之事必先社稷禮也屬者霖雨過度幾於靡  
神不請矣而獨未及於土繡之神此某不知禮之辜  
也媿懼之念方惕然于中而雲陰劃開霽景呈露矣  
是用躬拜壇壝之下既以為響答之謝顧自今至于  
秋成其為日尚遠而所望於神者益深惟時其雨暢

無過與不及俾年為有年則土為樂土其敢忘神之  
大惠也哉謹告

諸廟謝晴祝文

廼季春以來雨澤過度輒抒誠悃禱于有神朝夕嚴  
恭以俟嘉命畏蒙響答若鼓應桴甲子之朝垂霖沐  
矣清風既發群陰剴開宿麥將登庶幾有望穉苗日  
茂抑又可期嘉與斯民共拜靈貺尚惟矜憫迄昇有  
年謹告

諸廟祈雨祝文

俗以仲夏再挾為分龍之日曰雨曰霽歲之豐歉於  
是而占焉儲粟之家亦必俟是日之雨然後肯泄其  
所藏以惠閭里其利害豈它日比哉載念湖湘實為  
凋俗歲雖告稔民食尚艱一有不登立見擠壑是用  
先期三日以奔告于有神惟神愛民之心不減於守  
土之更辛亥而憐之賜以滂沛之澤則一稔可卜百  
憂以寬拜神之賜寧有紀極謹告

諸廟謝雨祝文

比以龍會之辰膏澤是望輒殫忱悃禱于有神荷神  
之靈甘露隨降有禱有謝惟禮之常爰飭有司肆嚴  
昭答然壬戌欲雨而遽晴甲子欲晴而小雨繇批政



之多有且愚誠之未孚退自省循敢不祇懼尚靳矜宥變沴為蘇迄得冇年度全民命尚饗

諸廟祝文

六月之雨聖人筆于麟經其不厭數也明矣惟潭之為郡實瀕大江雨未彌旬則怒濤歎薄下田之稼粟乎其可憂况益水之陽瀉山之源以汎溢告而湘陰人以澇聞矣則某之所以奔告致祈者其庸敢後乎惟神至仁早賜開霽度全一稔以惠我民謹告

諸廟祝文

者分龍之望雨神既幸

矣雨足而慮溢又惟

霽之望焉求之於人且厭其數况神而可瀆乎然區區之誠方動於中而杲杲之日已赫乎其在上矣嗚呼神之格思不可度之如此繼自今其敢不愈敬之哉尊酒告虔匪以為報尚饗

祈雨祝文

七八月之間旱從古以來病之蓋良苗之將穢猶嬰兒之欲長膏澤之弗繼猶乳哺之失時命之存亡於是焉在其忍安視而弗以告乎惟神不愛湏臾之勞以林其垂絕之命使民獲有年之賜則吏其敢忘神之功謹告

真西山文集卷之五十三  
九  
祈雨諸廟祝文

昔者呂氏之書以秋行夏令為舛漢人論允離之治亦各有其時焉自履素商月有半矣而蘊隆之雷方熾膏潤之澤甚微誰謂九秋乃如三伏陰陽失叙莫甚於斯批政干和敢不自省惟神赦吏之臯憫民之菑油然而雨伯非特洗歎煩之氣抑以全豐稔之功稽首投誠立俟嘉應謹告

祈晴祝文

者穀方華而旱其以為請而神界之雨矣今者穀成而雨其又以為請神其可無意乎蓋前日之旱

猶嬰兒之失乳今茲之雨猶飽而將疾二者俱危道也然吏知其危而憂之而已若夫憂之而人能揀之非神其孰望乎今事勢亟矣一日之雨則禾有一日之傷如拯溺然不可緩也惟神毋愛須臾之勞而賜以旬日之霽使民不失終歲之望神亦無廢前日之功謹告

謝晴祝文

秋大熟未獲方興銍艾之功兩三日為霖懼失豐穰之望爰繫齋而有請祈慈憫之至從開雲霧之疑雲煥扶桑之麗景霽逢甲子獲寬傷稼之憂時近孟冬

行畢餘場之後敢申抵謝仰答殊恩尚蘄彌月之晴  
迄保有年之慶臣某無任激切感荷之至謹告

祈雪祝文

考諸傳記雪為五穀之精故盈尺之瑞可占豐年非  
苟然也此者消暵別辰將有祈於祠下而誠意甫啓  
嘉應遽形玉霽紛囂不欣觀是用易祈而謝因謝  
而祈願於臚前錫以三白拜神之惠其曷敢忘

祈晴祝文

迺自季春以來霖雨過度頗聞田里之間穀已播而  
厄於寒蠶方育而病於濕二者皆民之大事一或失

望將何恃以為生况穀價不平物情正鬱而陰霖弗  
止憔悴可知此某所以憂愧怵惕而有祈於神也惟  
神之威靈揀此宜無難者回淑氣於暮春闔新晴於  
甲子使憔悴者頓釋而憂愧者亦以少紓其敢忘神  
之大賜謹告

祈雨祝文

詩曰芄芃黍苗陰雨膏之言苗之方盛非雨無以滋  
之也况仲夏之月其節曰芒種其候曰分龍必潤澤  
以時則豐穰可卜農書之占厥有常驗此某之所以  
奔告於神而不敢後也自春以來民困貴糴今數月

美吏雖百方以救之未能大有濟也惟入梅之後與分龍之日膏澤應期而至則民之蓋藏者盡出糴賈不抑而自平此在神一舉手之功爾矜民生之久困察吏術之已窮惟明神其垂意焉幸甚謹告

謝雨祝文

比以農書之占曰芒種曰分龍於望雨為尤切用敬禱于有神迺丁未遂雨甲寅之後三日之間又連錫以兩鉅室之藏於是乎稍出而豐年之應於是乎可期荷神之施腆矣維嘉穀之方苗猶稭兒之仰乳願神不倦于賜而有以終之使久困之民早遂一飽之

樂則吏之所以圖報者其曷敢有志尚饗

仰山祝文

惟山之威靈德澤肇於大江之西而延及於重湖之南有衆恃之以為司命屬者征行厄於風雪過袁之日有謁于王霽景遄開遂以善達惟時湘土離宮在焉賴神之休自此焉始鞠躬拜謁其敢不虔

具武殿祝文

於皇上聖威神在天誕降福澤于民俾有寧宇其之祇事為日久矣叨恩分闕而靈宮在焉脉事之初敬伸謁歎江湖之間沴氣易作尚惟慈憫弭於未然區

區之誠仰祈昭鑒

祈晴祝文

比以霖雨過期暖氣弗効用祇謁于明神荷神之仁  
不以為瀆煥晴光於甲子回淑氣於暮春凡某所求  
既應如響願何以得此於神哉惟時細民方苦貴糴  
併新於惘密運化機俾氣序之不愆則蓋藏之畢出  
惟神其終念之

諸龍潭祈雨祝文

廼者甲寅以後之雨距今甫半月耳炎風烈日相為  
煽薄故雖下田之水亦有竭告者况高印之地乎吏

有從田間來者以為數日不雨則多稼可虞自闔閭  
言膺肺如灼蓋民之窘於貴糴于茲半載矣盼盼焉  
惟早稼登場是望以紓其困以拯其急者非常歲比  
也今嘉穀方苗而膏澤弗繼一或失望其將柰何此  
其之所以痛心疾首而有禱于龍君之靈也郡綏所  
縻不克躬詣而遣官以前惟龍君之神變迅速興雲  
雨以澤萬物直一嘘吸間耳以一嘘吸之勞而可以  
救數十萬生靈之命龍君其肯靳乎敢再拜以頌

上封雷池祝文

廼者尉掾之行已控忱詞請命於龍君矣區區惘誠

尚慮未徹謹游遣簿正以前蓋信宿以來旱氣熾熾益甚前日大田多稼凜然可虞龍君而不亟拯之則後雖賜雨將無所及矣幸哀而憐之不惜一嘔吸之勞而全數十萬生靈之命龍君之功之德所以簡於上帝者又將如何哉敬再拜以俟

請水祝文

間以旱勢可憂遣官致禱于靈湫矣小州曰今旱氣

日熾其為可憂又甚於前念非躬禱不可印綬所縻

願莫之遂是用恭迎靈湫之水安奉于郡庭中州曰恭迎神

位伏願章示威神使油雲鬱興陰風慘變從車蓋而

來崇朝之頃霈為大雨則龍君之有大造于茲土也其可以限量計哉某謹帥吏民敬共以俟

零陵王廟祈雨祝文

惟王之威靈著于湘土某知所敬仰久矣歲時禱祀諉諸有司而不以身親焉則某之辜也今旱勢甚酷群情瞿瞿學校之士以為王於旱潦之求無不響答特未嘗顛有請而已某是用矍然為愧且懼俯伏祠下控誠而拜禱焉幸哀斯民亟賜以雨使歲事獲全而人無流莩其所以圖報於王者其曷敢有忘

西濟王後殿祈雨祝文

維聖母有池靈變甚異見於 崇寧間守臣李閱之  
記屬茲亢旱群情皇皇而此邦之民乃有以刻文來  
告者其甚恨知之不蚤也謹命幙僚恭伸禱請伏惟  
慈仁亟彰嘉應使膏澤隨霈嘉穀獲全則其所以答  
靈休而侈神貺者其曷敢不虔敢再拜以請

南嶽火德星君祝文

比因亢旱虔致禱祈恭遇南方火德執法星君正臨  
軫宿下照長沙臣已卜日躬修醮謝冀蒙福佑潛弭  
旱災而臣適有瘡瘍之疾未敢祇謁高真謹令儒林  
郎武安軍節度推官趙希憲先詣殿庭代陳忱悃伏

仰聖慈俯賜矜憫推旱魃於熾張之際霈茸霖於愆  
亢之餘俾歲事獲全民命可續嘉與閭境王靈共拜  
更生之恩謹俟疾平亟酬忱願仰祈聖察

社稷風雨雷神祈雨祝文

天久不雨良苗將稿磬磬下民大命近止肆陳菲薦  
力請于神膏澤沛然恭俟嘉應

岳麓湘江祈雨祝文

前侯之職當祀山川

岳麓云靈麓山魏  
江湘云湘江洋洋

此土之望肇

訓置壇亦既訖工屬茲亢賜敬伸禱請雲興膚寸澤  
洽一方願彰厥靈以拯民命

諸廟祝文

在詩有之旱既太甚蘊隆蟲蟲又曰旱魃為虐如惔如焚昔蓋聞之今乃親見咎由牧守民為何辜以神之仁非無意於濟物者而懇祈屢矣迄未之應毋乃天數流行有非神所得專者乎采諸衆言惟碧王之醮功力最大已消良日祇按冲科螻蟻之誠懼難上達願神哀此下土函控請于昊穹庶幾回春佑之仁而膺潤澤之賜使大田多稼不至甚損而生靈之命尚或可全所以圖報於神者其曷敢有已

祠山忠靖祝文

維帝王威靈蓋已受命穹昊為百神之宗其於拯旱乾致雨澤非難事也迎奉以來幾兩旬決嘉應屢而膏施尚屯意者公庭煩渫之地非神之所安是用還于靈祠就伸禱請

諸廟祝文

自龍君之來境內之雨者屢矣然潤澤則有之而霖洽則未也或謂龍之為神動則升霄漢靜則安江潭公庭之煩渫非所樂也是用還于靈湫五龍安濟祠就伸禱請今旱勢極矣蚤稼之傷者已不可復全而下田晚稻苟得一雨霈然充溢則尚庶幾中熟之望龍



君亦何靳一嘘吸之勞而不以拯千萬人於溝壑乎  
菲薦肅陳以寓誠意尚惟歆饗亟副所期

洞陽 昭潭祝文

問者早曠為虐既靡神不舉矣采之衆論乃白威靈  
之章灼莫昭潭若願未嘗致請焉此其不敏之辜也  
是用諏僚屬以往拜于庭而遣之區區此心蓋已飛  
馳於靈湫之上矣今旱氣如焚耗斲已極而奔霆走  
電大霑甘雨在龍君之力為無難願以一嘘吸之勞  
而救千萬人溝壑之難非惟斯人蒙澤吏亦與受賜  
為國報之也不敢忘也謹再拜以復

社稷以下祝文

城隍山 川同

聞者將用道家法致禱于紫微太乙之尊念螻蟻之  
誠未易上達也則有謁于神願為請命吳穹亟賜之  
雨越孟秋戊戌陰雲鬱興膏澤密布實維明神陰相  
之力然旱乾既久滲漉未深雖槁苗少蘇而溝塍之  
水則涸竭猶昔也立秋之期近在旦暮事勢亟矣及  
今而雨足則早稼之未損者猶可全一或少遲則晚  
苗之方茂者亦告病矣危機交急莫甚斯時是用不  
避瀆煩復伸懇請以神之仁必不忍為賜之不竟也  
敢跼蹐以俟

五處龍王 上封雷池祝文

比繇舛政召致旱災有謁於龍君之靈龍君數不以為瀆曰是知過而能自儆者也入秋以來屢賜之雨雖早稼或虧而晚苗甚茂儻白露之前更賜一再之雨則歲功畢矣謹命僚屬且謝且祈龍君之仁其尚念之

祭龍壇祝文

比以時澤未浹古之雩祀有所謂象龍致雨可考蓋三代之禮也乃立壇壝將徧象五方之龍而致禱焉自北而東雨已隨之嗚呼其亦可謂靈也已肆命邑

長抵謝于神白露之前更靳甘霖迄為有年則其將廟而祀之不敢忘龍君之德也

諸廟謝雨祝文

比以亢旱有禱于神入秋以來屢霑甘澤雖蚤稼少相而晚禾勃興神之為賜大矣不腆菲薦于以告虔尚惟終惠迄遂中熟

諸廟祈雨祝文

乃者蚤稼將登既厄于夏旱矣今晚苗方盛而雨復不時是猶疋羸之人一疾未瘳而再疾隨之也嗚呼此豈明神之所忍邪甘霖沛然一洗枯槁在神特指

願之力而民免溝壑之憂再拜以祈上俟嘉應

諸廟謝雨祝文

比以嘉穀將登雨弗時至用有謁于明神誠意甫殫  
孚答如響霈然膏澤高下均霑神之為賜盛矣今距  
收刈之期尚隔旬月惟無暴風無淫雨則晚稼有十  
全之功斯民遂一飽之樂神其終惠之幸甚

佑聖祝文

欽惟佑聖庇此一方雨暘之祈適應如響一新殿宇  
庸答霖霖工役方興不無震動惟神密相迄用有  
保安故祭諸廟祝文

聖皇臨御餘三十年翼翼小心對越無媿茲愆調豫

率土驚欽憂奉祭書禱于靈嶽諸廟云願言降監

格云降密佑聖躬即遂清寧以福方夏

起慶筆書堂告土地祝文

其惟此山得名自江憲公始先正楊文莊又嘗讀書  
于茲其也不材敢望前哲屬以屏居窮巷思得山林  
閒曠之地以為藏修息遊之所而僧以是告捐田數  
畝質而為草堂揆日之良肇庀工役朽材腐瓦苟以  
集事惟神默相亟臻厥成謹告

祭大仙祈雨祝文

鳴呼噓風霆噴雨霧變化倏忽莫如南臺百丈之山  
而普照靈澤寔以帝念典司其間夫以佛道之尊仙  
道之大固萬靈之所聽命而巖洞之幽邃湫淵之深  
窈又神龍之所蟠宜其百數十年以旱致禱者莫不  
猶響之斯答未嘗有如今日之艱豈佛與仙之仁無  
意於拯此土之厄乎抑天時之當尔而天意之未還  
嗚呼昔歲之饑民病極矣雖去冬一稔曾未蘇其瘼  
癡僮或再歎則顛連於溝壑歎呼於山谷始將何所  
不有豈容一日之少安然則今茲之豐凶乃民命存  
亡之決而賜雨之淹速則又豐凶之所閱此其之所

以望雲霓而涕泗瞻原野而辛酸也吾佛與仙之仁  
於此而不亟拯則是實斯人於度外而坐視其塗炭  
昊穹之仁必不忍以萬物為芻狗吾佛與仙儻為斯  
人而力請則天意一四化驕陽而為霖雨殆猶反掌  
之非難嗚呼事勢迫矣民望極矣吾佛與仙儻真之拯  
不可不亟矣是用寫哀誠而禱懇敢罄竭其肺肝興  
玄雲之飄灑沛大雨之瀰漫起未稼之將枯洗瘡痍  
而復完則其將大書深刻于巖石之上昭聖功之不  
刊嗚呼謹告

再祭大仙祈雨祝文

嗚呼旱勢酷矣三日不雨則高下之田蚤晚之稼皆無遺育矣方未之禍將無策以拯而生民之命不可以復續夫以普照靈澤之仁寧顧忽然于此今翠峰龍君之未衆聖咸集豈不能力回造化而為一方生民之福敢殫誠以致祈冀響應之迅速也謹告

三廟祝文

某奉祠竊粟無補秋毫茲叨誤恩復臨舊郡控免弗獲消吉問洽惟神默相此行俾長幼均安道路無虞到郡之日舉措適宜刊澤及物前有粗立之效鄉閭寧謐災沴不生後無卻顧之憂則拜神之賜大矣不

與酒糧具將誠意

武濟廟祝文

昔者漢室龍興王實舉百粵之師佐寬仁之主滅強暴之敵措天下于天安功烈偉矣廟食閩中垂二千祀而護國之忠庇民之惠益有加焉比歲盜起汀樵一道震駭盪除兇孽雖王師致討之力而默扶陰佑賴神之賜為多駿騎騰山緝烽螫賊靈應彰灼有不可誣者某猥以非材分符舊服維泉為郡實王統臨之下是用虔脩謁款控露寸衷尚惟慈仁宥垂鴻覆俾封域晏寧蓄宰復息或有為民禱請者當此御祠

庭而扣豕爲一念之誠當蒙昭答不腆牲醴維以薦  
忱

五龍堂祝文

五龍之祠於祀典爲最重某之至也嘗命官僚分謂  
而未克躬拜于庭屬以霖雨過度惕然不敢寧訊之  
悞屬謂王神靈變化莫測所當先禱焉用敢齊心有  
請願王以一嘔吸之間豁開陽明屏除陰沴留此嘉  
澤以時施焉庶幾得苗獲全豐歲可望某與邦人將  
戴施於無窮其曷敢忘報

洛陽橋祝文

某蒙恩分符再淮南土適當燬瘵之極未知振起之  
方唯當誠意正心克已勵行拯民如飢渴遠利如垢  
汗期以某年盡銷愁嘆懼或有喻斯志不敢復度此  
橋

又

某之始至嘗有矢言在官某年刻勵唯謹雖煩苛粗  
省而惠利未周回省初心媿負多矣叨恩有行未離  
本道苟可以庇吾民者不敢不力惟神其終相之

西峽江祝文

某携家之鎮宵濟于江若時之春風濤方壯惟神嘿

祠如席之平不腆醴羞將此誠意

蓋竹廟祝文

某叨恩出守舊郡是臨道于靈祠敢陳菲薦惟王嘿  
佑俾征涂之間災疾弗作到郡之後舉措適宜民俗  
安安舊觀以復庶無負朝家起廢之意異時代還謹  
當俯儀以謝靈貺

南劍州判官臨土地祝文

某少遊幕府寔藉神麻由此登朝浸叨華貫十有六  
年之闕兩守泉南曾謁款於神示不忘本也不腆牲  
酒予以告虔神其聽之介以景福

水口鎮廟祝文

某祗戍泉山道出祠下將就舟楫以達于大義之津  
惟神威德被于遠邇頌垂洪覆俾順風安流無有驚  
阻則蒙施大矣不腆牲酒予以告虔明威赫然尚其  
顧享

泉州謁先聖祝文

某昔歲守泉漸無善狀茲由問散被命復來或謂舊  
政則易乎舊民則易治嗚呼聖門之教一曰敬二曰  
敬况以千里提封之廣萬民宅生之重而可以易眡  
之乎先儒有謂近世之臨舊鎮者政聲率不逮前由

其有易心也矧其之愚其敢少忽競競朝夕若履春  
冰庶幾萬一或免于殃於皇元聖尚式教之

東嶽祝文

某昔者守泉首末三年年穀洊登寇攘寢息公私少  
事遠近晏然豈某之智力能致是哉寔神大庇斯民  
而錫之福也今復被命此來惟廉惟仁惟公惟勤所  
以自勉者不敢不用其至若乃人力所不及神其嘿  
佑之俾二氣均調百七疇咸遂田野安妥熾塵不驚豈  
惟某之踈拙獲免厥愆愆斯民實被如天之施

朱文公祠祝文

其不佞自少讀先生之書知理之與事同出一源而  
明德者固新民之本也二十年間洵更麾節亦知勉  
乎此矣然窮理未精故應事多舛明德之功未至而  
求民之新得乎被命重來益深祇懼尚思自勉庶有  
進焉

忠孝祠祝文

某昔者試郡立二公之祠于此慕而效之蓋將終身  
焉去之暮年而執親喪不敢忘致哀之誼入踐近班  
兼陪經幄亦思盡責難之益忠孝大端粗知自勉揆  
之前修可媿寔多被命復來式瞻遺像高山景行有



慨于中爵以一卮凜然興敬

蔡忠惠公祝文

惟公兩牧是邦德政在民至今未泯其寔何人亦叨  
再至緬懷遺跡可效可師朝夕恪恭庶幾萬一

王忠文公祝文

公之守泉才閱歲爾而德政在人有百年之思間者  
祠宇之修其為之記蓋嘗妄論一二矣茲由間館再  
守符緬懷清風益加敬慕九原可作非公誰歸

先生真文忠公文集卷第五十三

西山先生真文忠公文集卷第五十四

祝文

諸先賢祠祝文

某昨叨守符慚無善狀茲由間館被命復來惟公德  
愛在民如古循吏緬懷遺範可效可師朝夕恪恭庶  
幾萬一

韓忠獻公祝文

趙丞相公祝文

游御史公祝文

社稷祝文

惟神五行之主百物所生邦之群祀莫此為重維春  
之戊祗薦吉蠲歲稔民安繫神是賴謹以后土勾龍  
配

稷神祝文

惟神寔生百穀育我群黎爰以仲春恪修常祀田功  
方舉土脉未膏澤洽歲豐頌垂嘉應謹以后稷氏配  
后土勾龍氏

惟神平易九州功垂萬古其在郡國典祀有常敬共  
以陳豈云故事併祈靈貺膏潤下民

后稷氏

惟神播種百穀粒我豎民配天之功振古無匹恪共  
修祀敢曰故常俾歲大豐于神是望

北山祝文

按祭法凡山林川澤能興雲雨者謂之神有崇北山  
實應斯典其昔叨假守凡有禱請未嘗不先焉曰兩  
曰賜殆猶響答今自首春以來雨不時若者幾四旬  
浹矣田事方興而膏潤未洽某日夜念此如惓如焚  
惟神屹然尊雄為一州之鎮歎雲泄霧噓吸雷雨直  
反掌間耳是用修舉舊典以有謁于神願矜其誠亟  
賜嘉澤使耕稼以時而豐穰可望豈獨邦人追溝壑

之厄其亦與被丘山之恩謹告

祠山祝文

昔某之在江左也值王誕彌之日必致敬焉今者再  
守溫陵祗事之初蓋嘗遣官代謁于祠下矣而未果  
躬造也仲春上弦時維陽中毓聖降神實在此日庭  
訟方殷展謁未皇敬以瓣香肅將誠意農方望雨王  
其念之俾清明之前膏澤霑洽于耜舉趾得以及時  
某當涓日以拜王之賜其敢不虔謹告

春祈諸廟祝文

古者祈報之禮社稷而已後世徧及於山川百神之

祠蓋有功于民固不容畧也惟神廟食茲土亦既有  
年方春致祈專為農事甲申之々雷雨作解固足慰  
三農之望矣自今以往曰雨曰暘必以其時然後豐  
穰之慶可卜惟神其幸惠之不腆醪羞具將誠意

社稷神祝文

古者諸侯之祭惟社稷而已蓋稷非土無以生民非  
稷無以農重社稷所以重民某叨恩來守禮當祇謂  
其敢弗恪尚惟嘿相俾大有年

風師

某入郡之初嘗謁于社稷矣而未知風師之有壇也

立春之後方修祀事而國有卹典不及躬陳與獻而以官僚代之每廩然不自安也謹涓穀旦按視壇壝且花工徒稍加繕修惟神當此春和扇溫厚之仁以成生育之化吉蠲之報其敢弗虔謹告

兩師

某入郡之初嘗謁于社稷矣而未知兩師之有壇也茲涓穀旦躬修按視之禮且命僚屬稍加繕治惟今農事方興而嘉澤未應某竊懼焉願神賜以霖沛繼以優渥且霑足焉俾歲大豐且而民有生意則吉蠲之報其敢弗虔謹告

雷師

某入郡之初嘗謁于社稷矣而未知雷師之有壇也茲涓穀旦躬修按視之禮且命僚屬稍加繕治惟今啓蟄既久而霆聲未發某竊懼焉惟神當此六壯之期誕推作解之仁俾百果草木無不奮張而泉源之實流通衍溢耕稼以時迄成豐歲則吉蠲之報其敢弗虔謹告

聖妃宮祝文

某猥以非材再守茲土實惟神芘是依今者凶狡之徒方舟南下所至剽殺重為民族之害某既調兵以

逐捕矣於惟聖靈丕赫振耀九航海之人仰恃以為  
司命是用祇遣官僚敬伸忱禱昔者戊寅之役蓋嘗  
賴神以有濟今舟師追賊行且相及正仰資聖力之  
時惟神執紼之維之使不得遁王師大捷一網弗遺鯨  
波晏清如行枕席之上皆神之太惠也某之報謝其  
敢弗虔謹告

海神通遠王靈著王祝文

大海之神比者溫明之寇來自北洋所至剽奪重為  
民旅之害舟師致討稍挫其鋒而餘孽尚蕃也儻弗  
即撲除則其縱橫海道未有窮已某既大集官民之

兵俾往迹捕然鯨波浩渺實為厄道非神力助順  
能必濟是用一誠遙祝且委官僚致少牢之薦以乞  
靈于大神伏惟擠狂寇於立敗之途導王師以必勝  
之機使一網盡獲庶幾萬舶安行群生嘉賴某之所  
以圖報於神者其敢弗虔

通遠王 靈著王

但改委官僚一句云且委邑令致禱于祠下伏惟  
云云

社神 稷神 后土勾龍氏 后稷氏

風雨師

雷神祝文

社稷穀雨之雨閱日幾何高田已乾良苗將瘁是用  
震懼奔告于神瀕海之邦土脉剛燥一雨十日霽然  
溢流滲之漉之庶克有濟造化之妙咄嗟可能神其  
哀恫是拯是救謹告

諸廟祝文

田之甚畏者莫如旱而旱之可畏者尤莫如春蓋播  
殖之功於是乎始雨不以時則種不得入豈非甚可  
畏者乎泉為瀕海之邦厥土剛燥五日不雨則高田  
告病十日不雨則雖膏腴之壤亦索然矣今自穀雨  
以至于今霽色彌旬田之告旱宜也其濫尸郡級無

善政以和陰陽致此災沴然罪在守而不在民守誠  
有罪不敢辭爵若春種弗入一歲之功於是乎已生  
靈之命將委溝壑是豈明神之所忍哉吁嗟以祈恭  
俟嘉應謹告

惠安縣管下聖妃宮祈雨祝文

乃者穀雨以來嘉澤弗繼某既徧祈郡望矣雨意屢  
作而未即霈然惠邑之士有言龍宮之山聖妃之祠  
靈響甚著鄉人父老方奉九座真如之像就致禱焉  
以郡守閱雨之誠儻致辨香為民有請無不獲者是  
用控露忱辭遙伸懇款且委邑尉代謁于祠下夫以

聖妃之神靈濟而以佛菩薩之慈悲其視生靈之急  
必特如拯焚溺願不惜嗔吸之力使一兩十日高原  
下照無不被優渥之施闔郡七邑俱為豐年則其之  
所以圖報者其曷敢懈謹告

北山神祝文

聞者庚申以閔雨有祈于神繼是日登北塘之樓望  
名山而控輶烏荷神之慈賜答如響自乙丑之脯霑然  
而洽平疇賴以滋溢良苗為之奮興然謂之霑洽則  
未也是用再詣半山稽首致祈願先小滿而潤澤豐  
不待芒種而播執畢度幾一稔可期而民免流莩戴

神之德其敢弭忘謹告

惠安縣龍宮山聖妃祠等再祈雨祝文

某間者以閔雨修祠遣邑尉代禱祠下而某拜于庭  
以送之鄉之士有馳報者謂祝祠甫至而其靈隨需  
不疾而速有如此者某不勝興敬維瀕海之邦厥壤  
剛燥比雖得雨而風日炎燥潤澤易竭種執猶艱一  
或失時後雖甘霖相續亦無及於事矣十萬生靈之  
命安危存亡決於朝夕豈細故哉是用命邑宰敬致  
菲儀就屬鄉士再伸忱禱伏惟英烈之神靈正覺之  
慈悲實亟圖之一雨十日俾土之瘠者肥而苗之萎

者茂環地千里俱為豐年則其之所以謝靈貺者其  
敢或後謹告

東順正 西明烈 明德王祝文

城隍之有神州郡之有守幽顯雖不同其食於民則  
一也夫既食民之食則當憂民之憂此其於今茲之  
旱所以惶懼怵迫而有求於神也守之憂民如此神  
之憂民其可已乎然守能憂之而不能救之能憂而  
又不能救者神也今旱勢極矣神於是焉而不救則甬  
將枯槁以死民既之食必將飢餓流離以死神其忍  
之乎天人與天未能無間者也其之愚猶欲籲天以

抹之神與天本無間神為有請于天而賜之雨顧不  
甚易乎以神之靈之仁必能哀恫斯民而思所以抹  
之者用敢頓首以請謹告

龍湖祝文

龍湖之神廼者季春以來雨弗時若幾於靡神不舉  
矣雖蒙響答纒數刻而止田疇之槁猶自若也謹按  
圖志晉邑之南龍湖在焉淵渟瑩徹周數十里蓋有  
神物宅乎其中湖上有祠靈應夙著其以城鑰之守  
弗克躬造而命邑尉往致祈焉謹拜于庭遙致忱悃  
伏願油然而雲興霈然而雨注以震耀龍君之威靈



俾歲有秋而人弗告病則其之所以圖報者其曷敢  
忘謹告

龍潭

龍潭之神前同謹按圖志常逮之里龍潭在焉赤虬之  
異著自疇昔其以城鑰之守前餘同

朋山廟祝文

朋山感寧王前同謹按圖志朋山清源實為此土之望  
天降時雨刈雲氣必起於二山之顛屬茲旱暵宜控  
忱請其以城鑰之守弗克躬造而命邑官往焉謹拜  
于庭遙致悃伏願油然而雲興霈然而雨注以彰

爾神之威靈俾歲有秋而人弗告病哉其之所以圖  
報者其曷敢忘謹告

紫帽山

紫帽山威靈顯應王前同謹按圖志紫帽之山實為此  
邦之望而神食其地靈應夙聞屬茲旱暵宜控忱請  
其以城鑰之守前同

飛陽廟

飛陽廟顯應王前同謹按圖志飛陽之廟靈響夙聞屬  
茲旱暵宜控忱請其以城鑰之守前同

同安縣昭應廟祝文

勅封善澤侯 善濟侯 善旣侯 善利侯 善惠侯 善祐侯 迺者季春以來雨弗時若幾於靡神不舉謹按圖志昭應之廟神龍宅焉洞穴深沉杳不可測昔者命書之始至也乘雲擊空衆共覩焉屬茲旱暵宜控忱請某以城鑰之守同前伏願油然而雲興霈然而雨注以彰我龍君之神靈俾歲有秋而人弗告病則某之所以圖報者其曷敢忘謹告

南峯潭祝文

南峯龍潭之神同前謹按圖志南峯有潭神龍宅焉昔在淳熙有令嘗禱雨于是隨獲甘霖靈響著聞屬

茲旱暵宜控忱請某以城鑰之守同前伏願油然而雲興霈然而雨注以將我龍君之神靈俾歲有秋而人弗告病則某之所以圖報者其曷敢忘謹告

龍潭祠之神

同前謹按圖志佛嶺有祠下瞰龍潭靈應彰灼屬茲旱暵宜控忱請某以城鑰之守同前伏願油然而雲興霈然而雨注以震耀尔神之威靈俾歲有秋同前

石鼓神祠

石鼓神之祠同前謹按圖志石鼓之祠靈應彰灼屬茲旱暵宜控忱請某以城鑰之守同前

白馬仙祠

白馬仙之祠 同前 謹按圖志白馬之祠靈應彰灼屬茲旱暵宜控忱請某以城鑰之守 同前

古潭五龍廟

古潭五龍廟之神 同前 謹按圖志古潭之側故有神祠實曰五龍靈應彰灼屬茲旱暵宜控忱請某以城鑰之守 同前後

龍湖廟

龍湖廟之神 同前 謹按圖志麗碧之山龍湖在焉白雲覆顛則雨立至屬茲旱暵宜控忱請某以城鑰之

守 同前

佐溪潭

佐溪潭之神 同前 謹按圖志佐溪之潭石竇窈深神龍攸宅屬茲旱暵宜控忱請某以城鑰之守 同前

福遠廟祝文

福遠廟諸位龍王乃季春以來雨不時若幾於靡神弗舉矣而旱氣彌烈竊意廟貌之靈有當躬禱而未及者矣考按圖志惟神之居於方為東所主者生於位為辰其象為龍 紹興中守臣因旱以請又有變化飛騰之異其昔在 嘉定亦嘗致禱而有獲焉昨

者僅命官僚而未果親謁此其之罪也是用涖日之  
良頓首庭下顧廟雖有號而封爵未崇願神昭示威  
靈隨禱立應霈然大雨盡起欲稿之苗轉凶為豐活  
我黎庶則其當頌白于朝袞服命圭以為神之報茲  
言弗爽天日實昭謹告

祠山祝文

正佑昭顯威德聖烈王 同前 考按圖志惟王聖德神  
功被于遠邇四方郡邑莫不有祠而泉之祠尤閎且  
麗民之恃王為命也久矣間者僅命官僚而未克親  
謁此其之辜也是用涖日之良頓首庭下惟王哀

斯民而亟救之俾無餓莩流離之厄則吏與民均荷  
王之賜其敢有忘

廣佑廟祝文

明應威信廣佑福善王 同前 惟王嘗守茲土遺愛在  
人雖大振厥靈于樵川然憊憊此邦必有不吝釋者  
僅命官僚 餘同 祠山

北山神

其自仲春之六日以閏雨有祈于神信宿之間賜答  
如響及季春以來懇祈者再而賜答乃若少緩焉然  
所謂當小滿而潤澤豐未芒種而播藝畢則亦未當

真西山文集卷之五十四  
十二  
不如所禱也荷神之休極此民命謹再拜以謝且將相攸吉壤以麗壇壝之奉焉惟神益彰厥靈俾梅雨時至載優載渥載沾載足使高原下隰無不稔之田則其之所以敬事神者其曷敢有已謹告

社稷四位 三城隍謝雨祝文

間者以早曠有禱于神越翼日遂雨又彌旬而兩大摯遂告足焉種藝之事得以及時是用俯伏壇壝以謝神之貺惟闕之俗以梅雨多寡而占歲之豐儉願神哀矜斯人而幸賜之俾芄芄之苗賴以蔭養方苞穎粟迄于有成神之惠也民之福也其之大幸也其

曷敢忘報謹告

諸廟謝雨祝文

比以早曠有禱于神曾未逾旬雨遂告足種藝之事得以及時是用祇遣掾屬敬伸謁謝之禮梅黃而雨茲惟厥時願神之仁錫以終惠俾大田之稼迄獲有秋報事有常其敢不恪謹告

祠山 廣佑王 福遠廟謝雨祝文

間者以早曠有禱于王是夕之雨露沐達旦又彌旬而兩大摯遂告足焉下同城隍祝文

福遠廟既云神之惠也封爵之請其敢或渝

外縣諸廟及龍潭祝文

比以早曠有禱于神下同諸廟祝文內改據屬作邑僚

析風文

惟泉為州所恃以足公私之用者蕃舶也舶之至時與不時者風也而能使風之從律而不愆者神也是以國有典祀俾守土之臣一歲而再禱焉嗚呼郡計之殫至此極矣民力之耗亦既甚矣引領南望日需其至以寬倒垂之急者唯此而矣神其大彰厥靈俾波濤晏清舳艫安行順風揚颿一日千里畢至而無梗焉是則吏與民之大願也謹頓首以請

聖妃祝文

天下之王嶮者莫如海也迨而至不仁者莫如盜賊以至不仁之徒而憑至嶮之地其為生靈之害可勝計哉某再奉郡符方將與民相安於無事而自春徂夏寇至再焉前者自此而南僅能小挫其鋒今復自南而北儻不大懲艾之則八方來之患未有窮已是用糾合熊虎之旅俾往殄絕鯢之群惟聖妃神靈烜赫允航海之人賴以為司命是用有謁焉導王師以必勝之機而擠狂寇於必敗之塗如前日之所禱者非聖妃其誰望敢俯伏以請謹告

社稷神風雨雷師壇祈雨祝文

六月之雨春秋書之于冊蓋喜之也以六月之雨為可喜則其不雨之可憂明矣比自甲寅以來雨之弗繼者兼旬于此茫茫之苗無以膏潤其憂顧不大矣乎既以籲于天文將懇于神而洞酌未伸嘉澤已霈蓋為之喜而不寐明於風興敬拜于壇壝之下為民而謝且為民而禱焉浙王炊薌數日以俟惟神終此大惠俾吾民均遂一飽之樂豈不休哉謹告

社稷神風雨雷師城隍諸廟祝文

春秋之交雨以時至此豐年之祥也然適中則為美過度則為災矧早稼在田刈穫方興而霖淫弗止豈不妨良農之功而損嘉穀之實乎是用祇命官僚赴愬于神伏惟賜以兼旬之霽使畢收成之事而後錫以嘉澤焉其之望也邦人之幸也敢頓首以請謹告

北山神祈晴祝文

昔者稱方播而雨不時屢以愬于神神不以為瀆而賜之雨矣今者稱方收而雨過度舍神其誰愬乎是用冒霖淫而陟嵯峨為民有禱焉惟  
之靈開闔陰陽卷舒雲雨直嘯吸間爾伏惟察其為民之誠而即賜之霽非惟大田免淪沒之患而斯民亦追昏墊

之虞荷神之施豈有涯哉俯伏以請謹告

社稷神風雨雷師城隍諸廟祈晴祝文

迺者陰霖不止及及乎害稼之憂賴神之靈隨禱而霽是神有大造于斯人也繼自今願終其賜焉訖處暑而晴人曰露而雨晴不過於亢兩弗至於淫則大有之年指日可待若時秋報其敢不虔謹告

北山神祝文

間者禱霽于神遙蒙響應今茲又闕雨矣捨神其安懇乎斤雲鬱興霏澤千里神之所易易者敢頓首以請謹告

秋賽諸廟祝文

歲事告登民獲一飽哩回造化繫神之功報祝以時不敢不恪尚祈全護俾成厥終

慈濟廟

自春以來民解疾癘導餘太沴繫神之功下同

惠安成應寧濟廟祝文

惟神正直聰明默佑一邑 聖朝嘉獎申錫贊書威靈益章遐邇蒙福 其假守于此密藉神麻敢薦菲儀具昭誠意

謁姜相公墓祝文



鳴呼建中貞元之相垂二十人而以清名直道標耒  
百代者公與陸宣公而已公謫于泉陸謫于忠皆不  
果召而沒天豈無意於忠臣乎何其厄窮至是也嗟  
夫靈均弗遷環肆執傳曲江既死勁節愈偉是則天  
之厄公也乃所以榮公也歟疑疑姜公嶢嶢東峰峰  
以姜名千古並崇我身來思而再謁公醉以一卮懷  
哉清風

倪尚書祠堂安奉祝文

嗚呼維此桐城寔公桐鄉民奉嘗之沒世弗忘畢方  
何知乃煽其毒曾是仁人而不遺以數楹之屋鞠為

頌神迨其既復小大欣欣蓋可燔者屋而  
不可知者斯民愛公之心歷古妥靈官僚儼列式瞻  
德容共挹馨烈迨惟平生猥辱深知而公心粗察其  
蓋嘗竊謂其清如水而澄之不已其直如矢而端  
昔者元公以頌溫國吁嗟惟公存此二德德  
公而不六施施之以却九牛一釐棟宇告新鄉  
車載為民者如復奉其教條為士者當身以師其  
風節我行天下降落少同顧獨仰公屹如山崇蓋不  
惟懷子產之愛且深慕汲直之忠舉觴慨然為三太  
息百歲之後儻或有知尚願配秋菊寒泉之食尚饗

北山祝文

北山之神間者仲春之辛巳以閱雨有禱于神壬午  
遂雨而雷亦發散自是之後連日皆雨而丁亥之日  
迅雷驟雨尤極霽沛辛卯又雨丙申以至戊戌如丁  
亥焉至是而一準始足霽色逾旬農方鼓望穀雨之  
且又如丙申嗚呼非吾北山之靈大茫茲土顧何以  
獲茲敬卜休澣之辰再拜以謝繼今有望於神者非  
一日神之始終茫民者亦嘗如一日焉是則其區區  
願也謹告

又

詩以龜蒙為魯邦所瞻惟時泉山亦以方之龜蒙也  
某兩叨假守每旱溢輒禱于神無不響答前後四年  
歲皆告豐是神有功于民且育造于某也壇壝將新  
而其遂去惜不睹其成即日登涂回瞻魏我不忘起  
敬出為雲雨潤澤千里俾歲以屢熟某尚有望焉

福州謁先聖祝文

惟孔門高第若由之果求之藝聖師因嘗許之以從  
政矣而求之所願者方六七十如五六十里而已由  
以千乘自許則夫子哂之蓋地廣則難治也民衆則  
難安也自子路之賢猶未易勝此况於一介之末學

而遽叨一道七八州之寄豈不甚可懼哉惟脩已以  
教之一言乃先聖示人之要指某也其敢不朝夕恪  
共以期無負於大訓有臨在上其曷敢渝

謁先賢堂祝文

惟闕邇在南服而詩書文物之盛軼于中州者以有  
牧中為之作興鄉賢為之表倡故也茲堂所祠為位  
十有八或以符竹或以粉榆要皆有功於士類者也  
其間經術之淵邃德行之超卓名節之巍峩者尤使  
人瞻慕而起敬焉某叨恩來守緬懷前哲釋菜訖事  
祇謁于庭高山仰止庶幾萬一

濂溪伊川明道三先祝文

濂溪先生周元公明道先生程純公伊川先生程正  
公惟三先生之道寔嗣鄒魯不傳之統允今學者知  
尊經術知慕聖賢知天理人欲之分知吾道異端之  
辨其功有自來矣某叨恩來守敢祇謁于祠庭高山  
仰止凜然興敬

晦翁先生祝文

晦翁先生朱文公比歲以來先生之祠備于寓內某  
麾符所至必敬謁焉假守三山實忝師帥之責方將  
推崇先生之道以興起士風而采諸衆言以為勉齋

黃公續承師訓以淑其徒當侑食焉消辰奉安不敢不告

勉齋祝文

勉齋先生黃公惟公之在考亭循穎曾之在洙泗發幽闡微既有補於學者繼志嗣事又有功於師門采諸衆言奉以侑食英靈未泯必樂於斯

諸廟祝文

恭惟明 天子躬攬大柄誕降詔書一洗積年貪濁之弊選用牧守分蒞庶邦而某不材首叨親擢付以全閩當端平之元始和之令肇領厥事其敢不朝夕

兢兢精白一心無負選任之意然正身以率下節用以愛人在其所當自勉若夫時雨暘弭苗沴則惟明神是賴非不肖所能及焉是用祗謁于廟庭控以忱禱惟神其幸惠察之

南臺廟祝文

惟王之功德顯於漢而嗣立於唐凡閩之人尸祝而社稷之者某昔守泉山猶展敬庭下以乞靈於王况今叨鎮于此覆護而扶持之將惟王是賴用不敢委諸僚屬而必親拜謁焉今之所祈王者大畧有二旱溢頻年人匱於食徠千艘而平市估時甘雨而兆豐

年此其一也江右之盜未平而泉建之師遠戍戎功  
早捷而振旅以歸此其二也若未區區一心所欲為  
卿鄙之民興悠長之利者亦惟王有以相之使志得  
以行而事得以宜使後之人曰以閩人為閩師而不  
孤閩人之望者某也是王不獨有大惠於某而且有大  
造於閩豈不休哉敢再拜以請

東嶽祝文

古者諸侯祭其境內之山川而已巍巍岱宗邈在東  
夏而今之郡國莫不致祠母乃與古異乎蓋其位在  
東其德為仁所以佐天地之發育者也覆冒群生其

功大矣故雖不在封域亦得祀焉閩山有祠靈響夙  
著臣奉 詔作牧敬謁于庭布宣 上恩臣之責也  
若夫時雨暘弭蓄惠使一道元元各有生生之樂則  
惟帝是賴非臣所能及也用敢再拜以請

炳靈王祝文

惟王佐岱宗以蒞方夏猶六子佐天地以生萬物也  
某既朝于帝因以謁王願推仁恩均被一道則區區  
之至焉

諸處祈晴祝文

維南山之詩有曰既優既渥既沾既足生我百穀蓋

兩之生物也惟足是求既足而過多焉適足以為物  
之病此其之所以危懼休迫而首祈於帝王也夫苗  
方穉而窘於寒麥將實而病於濕皆至切之憂願帝王  
帝之仁以一嗑吸之力拯而救之開麗象之清明掃  
積陰之沈滯俾穉者以長而實者以成其與斯民戴  
帝王之恩其何有極

春祈慈濟廟祝文

惟神之與春析自其焉始今茲再叨假守思所以為  
民蠲除苛瘼匪神疇依是用以不腆穀蔬將此誠意  
自春徂秋寒暑風雨晦明或過其度則疾癘生焉惟

神哀痛斯民有以潛弭於未病之先俾皆躋工仁壽  
之域則其有功於生靈大矣其之所以圖報者其曷  
敢忘

辭先聖祝文

某仰惟先聖嘗言朞月而已可也三年有成夫以神  
聖功化之妙猶必遲之三年之久况其之未學乎故  
自蒞事以來孜孜汲汲日惟民隱是求嘗白于朝願  
久其任而上恩錫召弗容固辭凡所欲為一一有  
媿初心多矣然●泗格言則佩服惟謹既不獲盡施  
以及民則當恪守以事君勿欺而犯其敢不勉

辭漁溪先生以下祝文

某自少伏讀諸先生之書亦欲見之行事三山鄉  
部也方朝夕區區勤求民瘼如理家事未能毫髮及  
人而以予環公矣然諸先生所以教人事君者甚備  
謹當佩服不敢弭忘願畢此身不渝素節

焚黃祝文

某月日某謹以清酌庶饘之奠并贈告二軸使第某  
昭告于先考某人之墓曰嗟維先君無何蚤世積  
善之慶其延後人肆某不才兩塵科目遂玷朝行歲  
在己巳夫子有事於明堂某以攝太常卿立樂垂下

越歲壬申天子有事于南郊某以攝吏部侍郎奉匏  
鬯六年之間兩遇大慶既叨膳之賜又推恩以及其  
親於是我之先君始贈為承奉即再贈為宣教郎漏  
泉之澤光賁存歿豈曰小子實能之蓋秋先君種德  
獲報之明驗也自頃以來屢祈郡版冀獲一酌墳土  
躬展燎黃之儀既未賜俞且叨柱史之擢又稽祭告  
晨夕歎然南望松楸心如飛旆謹令某代伸敬于墓  
下明靈未泯尚鑒右之

又

維嘉定十年歲次丁丑三月戊寅朔二十三日庚子

嗣子具位謹以清酌庶羞之奠昭告于先考奉議府君墓前日者天子有事于合宮崇澤之頌覃及中外其以將漕陪部弗獲預駁奔走之列而湛恩下逮不以疎逖而獨遺肆我先君由通籍而有陞朝之贈所以發潛德之光而為敬忠之勸也被命南泉遂有過家上冢之幸謹以詔黃燻于隧道惟明不泯膺受命祉益蕃衍其慶以庇于後之人謹告

又

年月日具位敢昭告於先考二十五朝奉之墓者歲在丙寅聖天子有事于明堂湛恩敷錫我先考實具

朝奉即之賜今五載矣迨今乃始獲燻黃于墓下修拜掃之禮焉惟靈益垂庇佑使我後人浸以光顯則昔策之恩將極其寵榮而後已追想慈範不勝惶然謹以清酌庶羞恭伸薦享

家祭祝文

仲夏之祭以日至禮也某以趨召之迫不獲已先期而舉焉且因展告而辭之禮伏惟尊靈陰相此行俾上有益於國而下不辱其身則某之幸

告先考妣加封祝文

某比者國有煙祀覃慶萬方我先考自即位進二等



而為大夫先妣亦育頤人之命其品教益崇而寵光  
益盛矣迫於召旨未克燎黃于墓下始即家廟而致  
告焉伏惟尊靈膺此愍冊益昌厥後以迓無疆之休  
謹告

崇興祝文

嗣皇帝御極覃慶多方我先室由其宜宗之名進令  
善之號可謂美矣惜其早同於艱難不及生被榮寵  
此告命之詞所以嘆其窮達之不一也茲叨召擢入  
禁從班告謁來歸用燎黃于墓下伏祇膺新渥益佑  
後之人  
袁封之典方沓來而未已敬陳菲奠少寓厥誠  
西山先生真文忠公文集卷第五十四

西山先生真文忠公文集卷第五十五

祭文

祭趙制置文

故制置端明尚書趙公之靈惟公剛毅之資清修之  
節堂堂山立為世偉人卧護荆襄追迹羊陸獨當一  
面迨逾十年如虎在山如熊當道種苗遠遁塵弗  
驚近世儒帥殆鮮其匹宜陞樞筦遂督戎師星隕中  
營聞者驚嘆膺揚旌楚弗究厥成某之於公欽仰惟  
舊意來假守實在寓鄉緬懷英風遽隔泉壤載陳簿  
奠慨然于懷

祭譙大卿文

嗚呼維乾之元實始萬物化育流行終始惟一存而  
在人則謂之仁心發之於政則謂之仁術上而有國  
有家所以維天命於延洪下而育民有社所以遂群  
生於寧密未有不以此焉出者何歟譙公世之德人  
溫黓容則惠風愛日抑抑其儀則威鳳祥麟作牧于  
江民瘼以蘇按刑于浙縲囚以虛歲行在亥旱魃爲  
孽大江之東菑患尤烈維我與公並將斯指戮力一  
心極民於死公尤切切終食靡遑挽之溝壑寘之康  
莊聿來吾閩亦師是道飢饉藥羸醒暘滋槁侈養

娛臚仕所同獨安澹泊靜羞靡豐燕游相夸薄俗所  
尚獨劬其躬不少怠放持牒在廷紛紛綸旁午康色  
使前若語兒女公之庇民如視其身民之安公如怙  
其親疾旣瀕危猶勉自力朝牘方披暮簣已易仁哉  
譙公死不忘民世非無人誰有是心爲政一年未究  
設施閩人思公則無窮期嗚呼哀哉昔公之來吊我  
倚廬今我來思哭公喪車酌此一觴千古之訣悠悠  
寒雲相我愁絕嗚呼哀哉

祭慶元張知縣墓文

惟公英邁之姿嶷乎其山立潔白之操凜乎其淵澄

發之於文則粹然義理之正施諸有政則藹然豈第  
之稱柰何進不獲踐清華之職仕退不獲享耆艾之  
修齡豈福善既淫之訓有時而不可必抑天之與人  
或殊其好惡之情嗚呼哀哉某之與君情深義厚而  
追莫之行不得執其紼臨穴之際不得以撫其匱此  
所以慊焉于中而不勝自咎也雨露既濡愴然懷舊  
何以薦誠唯此卮酒雖欲見君掀然捧腹一笑舉白  
而不可復得徒想像其平生有哀涕其如溜嗚呼哀  
哉

祭蕭穎仲文

嗚呼我之女弟實歸于君二十年間親好是篤我仕  
達女弟遽亡我懷之悲迄今未已猶喜君在庶慰  
予心云胡不留奄復飈逝追念疇昔黯然魂驚一鑄  
陳前有涕如瀉嗚呼哀哉

祭葉夫人文

近故 國夫人葉氏靈筵嗚呼人生誰獨無親全美  
備福莫如夫人手教其子蚤魁斯文入從出藩蔚乎  
名臣距美聞孫一枝重春森其拜後雜選芳芬居中  
歷外輕軒重茵歲時歸來宴其親姻燁如金母髮鶴  
齡椿綠衣爛班垂秉國鈞肩輿內朝儀形妃嬪倏焉

委蛇厥恙何因卷我霖雨為淚零零訃告之聞曠不  
酸辛絨辭往奠尚鑒忱恂

祭楊宮幹文

嗚呼昔歸自泉公迓于途及歸自洪公吊于廬今茲  
來歸親故滿目問公何在埋玉幽谷七十之年後古  
所稀况又過之公其何悲死於布衣虛度此生木簡  
綠裳公歸何榮紛紛鄙夫惟利是計一錢之捐如割  
肌體顧唐通衢昔跌而傾今實為誰猶砥之平視粟  
如沙視金如土迄成功緊盛德故貪恒化其孰  
不然必將亡有壞語言割田分貨以收出予家

然媿悉有紀我之於公遺德有年公亡我歸能不懈  
然有馨斯肴有清伊醕鬼兮歸來尚克我顧嗚呼

祭果州李郎中文

維年月朔日具位某謹以清酌之奠致祭于故果州  
使君兵部李君貫之之靈嗚呼哀哉仲冬辛卯晨興  
徬徨覺中情之弗怡若冰炭之堆腸粵有趙子之書  
來從九江發而視之則吾貫之使君之訃也輟予食  
而驚嗟沾予襟而淋浪胡斯世之不牽而若人之云  
亡嗚呼哀哉君之天資清明純粹君之問學深潛篤  
至氣勇温而毅然有難犯之色行峻且方泊然亡近

名之累昔在芸省交情最親及使江東同心拯民我  
或君違君弗以為忤君雖我後我豈以為恩君舟西  
旋我旆南下相與夜宿金山之上江濤轟厓風鐸震  
撼偉勁論之英發旁森羅乎鬼神至於天理人欲消  
長之機吾道異端正邪之辨嚴毫釐之剖析極涇渭  
之區分方且自視歛然念窮格之未精舉措之多戾  
期舍舊而圖新蓋其用志之剛進德之勇俛焉孳孳  
而弗自己者直欲古人之與鄰嗚呼哀哉以君之忠  
誠鯁亮使見用于時而居正君澤物之地則上將有  
補於主德下將有功於生人借獲不用猶當著書

言闡幽揚遠以邈西洛之淵源近以續紫陽之緒  
業尚有光於斯文亦孰知二者之不一遂乎徒齋志  
而沉淪嗚呼哀哉薰蕕不並柄鑿難入豈今獨然繇  
古一律當衆口斷斷之餘其與君者甚寡而予獨以  
為可恃者繫蒼旻與白日又孰知天理之靡常亦若  
人情之難必嗚呼哀哉澹乎無欲君性實然至若食  
太微而學太苦則某嘗以為言乃者鼈背之遊深衣  
大帶形臞而神秀超然山澤屹而其飲不濡唇飯不  
盈掬意者咀道德之華悅義理之泰復何慕乎膺糶  
慘別幾時凶問尋至豈他疾之為崇乎將以斯而損

年君於死生幽明之故妖壽不貳之理講之素矣獨  
齋咨而弗置者為清時而惓惓嗚呼哀哉君今已矣  
某之罷駑亡復警策之望矣唯夫平生之言垂別之  
贈所以丁寧教我者敢不佩服而周旋西望隆山眇  
在天末欲拊視一哀而不可得空竇涕其如泉嗚呼  
哀哉尚饗

祭趙經略文

謹以清酌之奠致祭于某官之靈嗚呼哀哉惟忠定  
公為國元臣如且在周如摯在殷君之為子伊陟伯  
禽謂宜詔格天之功嗣建侯之寵扶尊安於廟柘垂

光燿於琳珉而乃官止選曹卽位裁桂林伯彼蒼蒼者  
天難知耶何以佯忠臣之有後其可恃耶抑何遽  
奪於斯人嗚呼哀哉君之修身義以為質端直自持  
裸裎惟一其嫉惡若仇其與善若昵其遠利若濬其  
辟寵若疾思昔從游於群王之上春容於杯酒之間  
開口論心抵掌劇談凡所以發予之衷而作予之懦  
者真益友之言距今十年而君偉然之正論毅然之  
勁氣猶若鏗乎其在耳凜乎其在顏也辛未之夏君  
守湓城載酒江滸以祖其行顧詹同僚莫非俊英若  
仲章若貫之與吾履常父尤磊落而崢嶸然當是時

曾未知其可樂也歲月幾何而三君子者相尋而皆  
逝遂掩恨於泉扃然後知若人之不易有此樂之不  
再得前世之士是以當懼而感慨惜別而傷情嗚呼  
哀哉自我來南  
清修王立泥滓於惟  
德門 比昆帝遂締姻盟以永百世君寓于越我家  
興相 幾何 之程謂當異時千里命駕何悟  
一朝君遽于舍善人云亡吾黨益孤我懷之悲豈為  
私乎聞君之喪邈在海隅往奠一觴聲與淚俱嗚呼  
哀哉尚饗

祭倪尚書文

維年歲六月戊寅朔二十六日丙午持服真某謹顯  
人以薊茗之奠致告于歿故寶學尚書倪公先生之  
靈嗚呼 流西來盟泊萬里孰櫻其有柱中侍雪壓  
風催几卉一空惟栢蒼然不改厥容

世之哲出入三朝壯老一 政在私門掉臂莫從追  
時更化亦弗苟同瑣 昌言 曾未幾時諫

書盈篋亦既弗 懷而歸漣婆丘林以燕以嬉世

涂紛夸生 權利有鴻冥冥孤入雲際我觀先朝惟

清獻 畧與同南臺嘉暮西土遺愛晚

惠公在朝廷懇懇正君公在藩

既賦歸塵滓萬物靜融天光幽

所玩心且其超然得喪莫

鄙有書在奩有誨在誨在耳我

公吊以書其辭辛酸聞公是

還 憂

而我為恤嗚呼此意其曷可忘計書踵來痛攬我腸

我親之生歲直于卯公年寔同歿亦先後哭親之淚

轉而哭公豈私是懷惟國之 汲直弗存孰龍靈歟究

揚公遷奪孰洗貪侈謂天孔仁胡正是仇北望泫然

莫知我憂嗚呼哀哉尚饗

祭倪通守文

維年歲月日

真其謹專人以 茶清酌之

榮通守大夫倪君靈

府我實何能賴予云

利害之 權其長短語無

子之心相期者遠我麾南下

以書奚其治泉文昌之仁民曰

我以故書來媿媿本末具陳

毋崇燕 毋監琛貨民以

雖不敏 跼茲言免我于郵

行子在劔浦載酒客亭促膝



東歸予趨唁我憂行色辭  
節其抑母愛過瘁既別  
愛予疇復  
東壞山頽  
隨以訃告我聞驚嘆隕涕  
失聲胡為德門大橋是奔豈能傷至此彫耗昔嘗戒  
予顧復自蹈嗚呼哀哉  
誕今果然耶堂堂文呂天所奪之有子而材復天開  
之巖巖蒼官風雨投之猗猗碧桐霜雪折之子榮已  
矣無復見期往時一藹大村我悲嗚呼哀哉尚饗

祭劉房州文

故官使知府大夫劉公之靈嗚呼忠肅  
之學貫於天人爰暨順寧  
書可想芳烈我自少小即聞  
始誠公環堵蕭然不蔽風雨  
隘宇二頃之田僅給粥饘歌  
利瀟人世所汲汲一罇可投  
清淚橫空豈以區區為子  
之子展也如是公身是似  
期天胡忍子而遽奪之書來  
奏功已屬斯續嗚呼已矣

其地者古碑斯馨有

書下思表然姓自少小聞  
之學貫於天人幾曾與寧  
其言其言其言其言其言

祭諫議龔公國正

新天子有事于合宮推恩宇內凡忠臣義士之名蹟  
顯著者俾長史二千碩致祠焉所以風勸臣節也惟  
公昌言直道照映青史馬鬣之封近在城隅曰忠與  
義時出公右是用躬致天子之命于墓下而不敢諉  
之有司焉嗚呼公之南遷坐論蔡氏也方公持扇乞  
錢之日實彼秉鈞顯國之時榮悴殊塗亦既甚矣歲  
月幾何是非大定流芳遺臭兩俱亡窮咄彼竟渠埋  
骨茲土樵蕪尤墜而弗顧而過公之墓者莫不裝回  
太息想像其遺風是果孰為榮辱耶嗟夫天不使公

還葬河間而葬于此又不使蔡斃于異邦而斃于此  
其始欲一正一邪昭然並列爲世之法戒乎雖然使  
君之言行則王室不至於中微蔡氏亦免於誅僂是  
公之論蔡也不特忠於蔡氏而蔡之害公也不惟禍  
國祇以自禍也歎敬仰之餘併陳梗槩公之英烈尚  
聞斯言

忠節廟

忠節有祠自太守朱公始然公之既請于朝也命未  
頒而遽去其後牧臣鮮或加意故祠室之立苟簡爲  
甚而其後祀之位次亦有可議者焉其蒙恩此來首

修謁款裝回顧省慨然久之謀諸同僚遂徙斯宇庀  
工命役煥然一新或出或升惟義之比至於近世將  
臣前驅犯難之死弗顧者皆附而祀之下至戎行亦  
許綴食嗚呼是足以彰朝廷表勵之美而成朱公建  
白之本志矣像設告成肆陳薄奠未未氓其鑒此誠  
祭王侍郎母夫人

嗚呼夫人其古之賢母歟方來嬪德門之初宗伯之  
年未冠也保忠之至其猶護驪龍之珠鞠育之切又  
如字丹穴之雛然能養而不能教者母道之常也而  
夫人獨知徙隣之深意欲勉經訓之苗裔迺瞻岳麓

群英所廬前則有五峯之遺風後則有南軒之宏摹  
顧謂嗣賢汝游汝居挹靈峯千仞之秀以助汝胸中  
之奇偉吸長江萬壑之潤以滋汝筆端之芬腴豈晨  
昏之辨難盡深處居諸然其始也或以為迂其子  
若於慈為未足迨乎上天延之大對魁薄海之群儒  
展聲赫然如霆之迅如日之起然後知為教子之力  
蓋於慈而存餘嗚呼夫人其古之賢母歟方蘭陔之  
娛侍極絲服之驩愉謂耆齡之未艾奄長夜其云祖  
某也程宗伯游獲聞懿範之一二欲揚厲鋪張以待  
後世之太筆之椽如意嗟兮今晨翼稱兮在塗翺風

凜兮號空嚴霜慘兮冽膚悵莫留於仙馭徒泣錢於  
輓車

祭趙侍郎

嗚呼我公遽止斯邪始疑弗信今果然耶維莫之春  
拜公于都樽酒笑談神閑氣舒退語於人公壯且碩  
謂當百年為國柱石越夏四月告別于公公時乳安  
有睟其容居亡幾何郵命相踵乃尹神臯乃正汰從  
善而不寐泚筆作書書在于涂而公歸歟時止時行  
孰非天命謂公安之不以為病御書親賜訊公安否  
將命東歸迺以疾告維公德人勿藥以瘳川逝馳

奄其弗留位非不崇志則未究命非不通年則弗壽  
開闔抑揚果誰為之茫茫太空孰其問之嗚呼茲歲  
老成殄瘁梅巖云亡公亦隨仕鄉之學者其將誰師  
鄉之仕者其將疇依矧惟輒生最辱知己別去幾時  
遽隔生死冥冥長夜公今何之乘雲往來與汗漫期  
鈞天清都公樂無苦唯在人情寧免嗟慕隕涕如泉  
莫將我悲不忘者存尚或鑒之

祭詹大卿

嗚呼天乎予公以卓異之材而位不究其用賦公以  
醇明之德而生不假之年方疆場多虞宵旰太息之

日而奪此老成之彥經濟之賢詩所謂人之云亡邦  
國殄瘁者也有志之士所以盡然而傷痛拊膺而問  
天蓋公之為人得諸天者既異而充之以學又深造  
其淵源自群經百氏閎深奧衍之皆靡不心融而神  
會下至陰陽卜筮幽微幻眇徃徃探順而忘筌惟其  
所造者高明自養者剛大故雖踐歷清華不以為泰  
屏居林泉不以為辱更榮悴而無二色禍福不為之  
遷改迨公道開明善類登進乃復分太守之符持王  
人之節識者知公之將用莫不訴然而相賀奈何人  
事之乖兮 驛朝而馳訃音莫傳豈民之無祿不獲

被公之澤乎抑厭世之溷濁寧輕舉而高薦公於幽  
冥之故死生之說旣灼然昭融而洞徹宜其臨絕之  
音琅然不亂啓手足而全嗟吾鄉邦人物之盛蓋自  
昔而蟬聯比以來諸老淪謝惟公僅存若靈光之岿  
然後生小子尚得窺儀刑而興起奉教訓而思旋若  
某之不才碩何足以語上而公獨以為可教每更以  
留連憶初筮之別公欲臨分之贈言曰盡心則無愧  
平心則不偏蓋拳拳服膺不敢失墜者五年于此若  
几杖而常弦謂公年未衰尚克拜於堂筵冀鄙吝之  
獲鋤甚沉疴之待痊孰謂公奄然而逝乎曾不及乎

祭陳北山

華顛想音容其若存誓親多而無緣悼前志之不修  
涕泣下而淪漣繼自今其何如惟砥礪而稱堅誓石  
節之不渝以報公於九原

嗚呼維公世之偉人有德有才有武有文閩洛之緒  
弗絕如綫魏巍紫陽是續是演靜涵一本動貫萬微  
隱顯相因體用弗離公游其門見謂巨擘邈流窮源  
研幾探頤蘊而蓄之旣粹以精發而舒之亦大以宏  
非如世儒沉溺訓詁非如詞人聯緝毫縷平居穆然  
色下言徐遇事剗然氣陵萬夫破賊東堆震霆電激

袖手北山窈若深嘿能開能闔可縮可伸嗚呼維公  
舉世孰倫經濟之謀戡定之畧幅塞通施遁藏自樂  
思豪力雄全涌厥辭駕風犇雲而與並馳尊俎春容  
淋漓筆墨踞視冰漸為我僕役先天之秘人所莫闡  
公獨玩心皇義是師間者書來辱以告我誰歟共談  
縈予其可千里相望數遺以詩學失傳訛形于嘆咨  
觀公之志勇於任道將扶微言俾後有考我云斯文  
寧實在公紫陽之志盍成厥終云胡弗淑奄忽長逝  
朔風怒兮助我悲涕幸而有子公為不忘靈兮來思  
舉我一觴

祭趙提舉

嗚呼維我 聖朝天枝蕃衍號為磐石之宗三百年  
間夾材輩出然德著於家者未有如篤行之行功施  
于國者未有如忠定之忠蓋父子相承世濟厥美事  
親盡孝則庶幾乎曾子事君盡道則無慙乎周公惟  
其純誠大節昭格於上帝故賜以峻明哲艾之嗣軼  
高陽之八龍公之稟於天者既挺然其特異而自少  
長沈涵漸漬不離典訓之中凡師門之指授與家  
室之磨礪義利取舍之端必致嚴於決擇古今成敗  
之變亦洞究其初終故材之成者日赫而誠之邃者

彌充卽麾累持宗盟載泣介冑自將則冰壺秋月之  
登剛果立斷則大阿龍泉之鋒鏘繫姦彊凜乎其霜  
肅惠鮮惇獨熙然其春融雖憤世疾邪常若過於激  
烈而尊賢友善則未始不極其溫恭九敵猷之可紀  
皆學問之餘功環輒雖頻不自悼其鬱握蘭雖龍不  
自賀其逢惟及物之是期曾靡計乎痺崇早掛冠於  
神虎獨抗志於冥鴻有冕山兮峨嵋有壑湖兮溶溶  
將卒歲以優湖遽罹於鞠凶嗚呼哀哉我昔與公襟  
期寔同辱媯盟之我締永世好於無窮聞拂衣而端  
返思命駕以相從未巾車於北道已洒涕於西門

公之薨莫能躬祭酒之奠徒目斷乎層空想英靈  
不泯冀胙蠶之潛通

祭左翼軍吳將


嗚呼汝之年垂老矣討賊之役主將不欲汝而汝請  
行忠也同列具旺以一舟而當賊五舟也人不援而  
汝獨援之義也旺獲全而汝死豈不哀哉然人誰不  
死汝之死以忠義可謂得其所矣渠魁不日就擒當  
令剗肝以祭汝官汝之子卹汝之家而廟于海瀕以  
祀汝忠死之士皆從享焉汝雖云亡必能為厲以擊  
賊也





萬曆丁酉歲季冬

月重梓于景賢堂



西山文集卷之五十五終